

古詩選

冊四



七言詩凡例

濟南 王士禎 撰

愚誤五言詩竟復鈔古逸漢魏迄唐宋金元諸家長句爲七言詩若干卷謝太傅問王子猷曰云何七言詩對曰昂昂若千里之駒泛泛若水中之鳧此命名所自也七言始于擊壤歌雅頌之維昔之富不如時予其懲而悲後患學有緝熙于光明至臨河歌南山歌以下其辭匪一皆七言之權輿也鈔古歌一卷若皇娥白帝二歌屬王嘉僞撰則附錄卷末

大風垓下肇自漢音至武帝秋風柏梁其體大具曹子桓燕歌行陳孔璋飲馬長城窟行皆唐作者之所本也六朝惟鮑明遠最爲適宕七言法備矣鈔漢魏六朝詩一卷梁陳隋長篇頗多而氣不足以舉其辭

沿及唐初益崇繁縟愚均無取焉

明何大復明月篇序謂初唐四子之作往往可歌反在少陵之上說者以爲有功于風雅躋矣然遂以此概七言之正變則非也二十年來學詩者束書不觀但取王楊盧駱數篇轉相仿倣膚詞剩語一唱百和豈何氏之旨哉今略取李嶠以下氣格頗高者得四篇以見六朝入唐源流之概鈔初唐詩一卷

開元大歷諸作者七言始盛王李高岑四家篇什尤多李太白馳騁筆力自成一家大抵嘉州之奇峭供奉之豪放更爲荆獲今鈔盛唐五家之作爲一卷王龍標崔司勳閱取一二附之
詩至工部集古今之大成百代而下無異詞者七言大篇尤爲前所未有後所莫及蓋天地元氣之奧至

杜而始發之今別于盛唐諸家鈔杜詩一卷

杜七言千古標準自錢劉元白以來無能步趨者貞元元和閒學杜者唯韓文公一人耳鈔韓詩一卷李義山韓碑一篇直追昌黎今附卷末

宋承唐季衰陋之後至歐陽文忠公始拔流俗七言長句高處直追昌黎自王介甫輩皆不及也廬山高一篇公所自負然殊非其至者鈔歐詩一卷

充公之後學杜韓者王文公爲巨擘七言長句蓋歐陽公後勁蘇黃前茅特其妙處微不逮數公耳鈔王詩一卷

歐陽公見蘇文忠公自謂老夫當放此人出一頭地蓋非獨古文也唯詩亦然文忠公七言長句之妙自子美退之後一人而已鈔蘇詩一卷文定視文忠邾

莒矣今略採十餘篇附之以備眉山之派
蘇文忠公凌蹕千古獨心折山谷之詩數效其體前
人之虛懷如此後世腐儒乃謂山谷與東坡爭名何
其陋耶山谷雖脫胎于杜顧其天姿之高筆力之雄
自闢庭戶宋人作江西宗派圖極尊之配食子美要
亦非山谷意也鈔黃詩一卷

元祐文章之盛推蘇門六君子黃嘗自負其詩在鼂
張之上顧無咎七言佳處頗得文忠之逸叔用具茨
集寥寥無多一鱗片甲殆高出無咎之上議者以為
惟陸務觀能髣髴之非過論也鈔二鼂詩一卷

南渡氣格下東都遠甚唯陸務觀為大宗七言遜杜
韓蘇黃諸大家正坐沈鬱頓挫少耳要非餘人所及
鈔陸詩一卷

南渡以後程學盛于南蘇學盛于北金元之閒元裕
之其職志也七言妙處或追東坡而軼放翁鈔元詩
一卷中州集載劉迎無黨長句數篇風格獨高今附
錄

元詩稱虞楊范揭道園自負如漢庭老吏愚數觀學
古錄其詩誠非二家所及恨篇什稍寡耳鈔虞詩一
卷劉靜脩刻畫山水閒有可采略取數篇附之

元詩靡弱自虞伯生而外唯吳立夫長句瑰瑋有奇
氣雖疎宕或遜前人視楊廉夫之學飛卿長吉區以
別矣淵穎集宋文憲公所編愚幼而好之今略其全
作鈔吳詩一卷

有明一代作者衆多七言長句在明初則高季迪張
志道劉子高爲最後則李賓之至何李學杜厭諸家

之坦迤獨于沈鬱頓挫處用意雖一變前人號稱復古而同源異派實皆以杜氏為崑崙墟近日錢受之七言學韓蘇其筆力學問足以赴之愚于明詩別有論次故此鈔不及
愚鈔諸家七言長句大旨以杜為宗唐宋以來善學杜者則取之非謂古今七言之變盡于此鈔觀唐人元白張王諸公悉不錄正以鈔不求備故也舉一隅以三隅反其在同志之君子

一卷中限集雜體既無黨異可幾論風林詩言各祖
其源志也十言快或短或長或而博或餘或元信
明數以貧窮學五十年滿學益于其金元之謂元信

七言詩作者姓氏

漢

高帝

武帝

昭帝

項羽

李陵

烏孫公主

趙飛燕

馬援

班固

崔駰

張衡

李尤

樂府古辭

魏

文帝

陳琳

阮籍

晉

傅玄

張翰

趙整

謝道韞

樂府古辭

宋

鮑照

梁

武帝衍

無名氏

後魏

無名氏

北齊

無名氏

後周

李氏

庾信

馮對

班固

隋

李刻

高澄公主

無名氏

炀帝

昭帝

唐

李嶠

宋之問

張說

王翰

王維

李頎

高適

岑參

李白

王昌齡
崔顥附

杜甫

韓愈

李商隱附

宋

歐陽脩

王安石

蘇軾

蘇轍附

黃庭堅

晁補之

晁沖之附

陸游

金

元好問

劉迎附

元

虞集

劉因附

吳萊

七言詩歌行鈔卷第一目次

古歌

擊壤歌

臨河歌

楚聘歌

獲麟歌

成人歌

飯牛歌三首

穗歌

萊人歌

彈鋏歌

河激歌

鄴民歌

珍做宋版印

漁父歌

庚癸歌

徐人歌

越人歌

越謠歌

采葛婦歌首

河梁歌

巴謠歌

渡易水歌

雉朝飛操

獻玉退怨歌

琴歌

禹玉牒辭 卷第一目六

皇娥歌

白帝子歌

古

詩

選

卷一目

七言

二一中華書局聚

白帝子集
卷之七

七言詩歌行鈔卷第一

濟南 王士禎 選

古歌

擊壤歌

帝王世記曰帝堯之世天下太和百姓無事有八九十老人擊壤而歌

日出而作日入而息鑿井而飲耕田而食帝力于我何有哉

臨河歌

見水經注

孔子適趙臨河不濟嘆而作歌

狄水衍兮風揚波叶班反舟楫顛倒更相加之叶居反歸來

歸來胡為斯狄水名在臨濟舊作秋誤

楚聘歌

孔叢子曰楚王使使奉金幣聘曰夫子宰子冉有曰夫子之道至是行矣遂請見問曰太公勤身苦志

八十而遇文王孰與許由之賢子曰許由獨善其身者也然今世無文王雖有

太公孰能識之乃歌曰

大道隱兮禮為基賢人竄兮將待時天下如一兮欲

何之

獲麟歌

孔叢子曰叔孫氏之車子鉏商樵于野而獲麟焉衆莫之識以為不祥棄之五父之衢冉有告曰麋身而肉角豈天之妖乎夫子往觀焉泣曰麟也麟出而死吾道窮矣乃歌云云

唐虞世兮麟鳳遊今非其時來何求麟兮麟兮我心

憂

成人歌

禮紀檀弓曰成人有其兄死而不為衰者聞高子皋為成宰遂為衰成人歌曰

蠶則績而蟹有匡范則冠而蟬有綏兄則死而子皋

為之衰成魯邑名匡蟹背殼似匡也范蜂也綏謂蟬喙長在腹下此嗤兄死者其衰之不為兄也

飯牛歌

三首 一作南山歌

淮南子曰甯戚欲干齊桓公困窮無以自達于是為商旅將任車以商干齊莫宿于郭門外桓公郊迎客夜開門辟任車爇火甚眾戚飯牛車下擊牛角而疾商歌桓公聞之曰異哉非常人也命後車載之因授以政

南山斫

音岸反

白石爛

叶郎反

生不逢堯與舜禪短布

單衣適至斫

音斫叶

從昏飯牛薄夜半

叶彼反

長夜漫

漫何時日

叶都反

滄浪之水白石粲中有鯉魚長尺半弊布單衣裁至

斫清朝飯牛至夜半黃犢上坂且休息吾將捨汝相

齊國

出東門兮厲石斑上有松柏青且闌粗布衣兮緼縷

時不遇兮堯舜主牛兮努力食細草

叶睚反

大臣在爾

側吾當與爾適楚國

此首見劉向別錄

穗歌

晏子春秋曰景公為長康將欲美之有風雨作公與晏子入坐飲酒致堂上之樂酒酣晏子作歌曰云云歌終顧而不流涕張躬而舞公遂廢酒罷役不果成長康

穗乎不得穫秋風至今殫零落風雨之弗殺叶所也

太上之糜弊也

萊人歌

左傳哀公五年秋齊景公卒冬十月公于嘉公子駒公子黔奔衛公子鉏公子陽生來奔萊人歌之

單曰

景公死乎不與埋叶睦反三軍之士不與謀叶謨反師乎

師乎何黨之乎此師眾也黨所也之往也

彈鋏歌

三章作長鋏歌一

史記孟嘗君傳馮謹見孟嘗君居傳舍十日孟嘗君問傳舍長曰客何為答曰馮先生甚貧惟有一劍耳又蒯緤彈其劍而歌曰云云孟嘗君遷之幸舍食有魚矣五曰又問傳舍長答曰客復彈劍而

歌曰云云孟嘗君遷之代舍五日孟嘗君復問傳
舍長答曰先生又嘗彈劍而歌曰云云于是孟嘗
悅君不

長鉞歸來乎食無魚

長鉞歸來乎出無車

長鉞歸來乎無以為家叶反故

河激歌

列女傳曰女媧者趙河津吏之女也簡子南擊楚
津吏醉臥不能渡簡子怒欲殺之媧懼持楫走前
曰願以微軀易父之死簡子遂釋不誅將渡用楫
者少一人媧攘拳操楫而請簡子遂與渡中流為
簡子發河激之歌
簡子納為夫人

升彼河兮而觀清水揚波兮冒冥冥禱求福兮醉不
醒誅將加兮妾心驚罰既釋兮瀆乃清妾持楫兮操
其維蛟龍助兮主將歸呼來權兮行勿疑

鄴民歌

史記曰魏襄王以史起為鄴令引漳水溉鄴以富魏之河內而民作歌

鄴有賢令兮為史公黃叶姑反決漳水兮灌鄴旁終古瀉

鹵兮生稻梁

漁父歌伍一作渡

吳越春秋曰伍子胥逃楚與楚太子建奔鄭晉頃公欲因太子謀鄭子胥知之殺太子建伍員奔吳追者在後至江中蘆之漪父呼之曰漁父欲渡因歌曰云云子胥止蘆之漪父又歌曰云云既渡乃潛深葦之中父來持麥飯鮑魚羹去胥疑之見因歌而呼之曰云云子胥不飲食畢解百金之劍以贈漁父不受問其姓名不出答子胥誠漁父曰掩子之盜漿無令其露漁父諾胥行數步漁者覆船自沈于江

日月昭昭乎寢已馳與子期乎一作蘆之漪越絕載

曰昭昭侵已施與子期甫蘆之碣

日已夕兮予心憂悲月已馳兮何不渡為事寢急兮

將柰何

蘆中人豈非窮士乎合上章為韻

庚癸歌

左傳魯哀公十三年公會單平公孫有山氏有山氏對曰梁則無矣粗則有之若登首山以呼曰庚癸乎則諾

佩玉纈兮余無所繫之旨酒一盛兮余與褐之父晚

去聲之藥然服飾備也己獨無以為繫佩言吳王不恤聲下一盛一器也褐寒賤之人言但視不得飲也

徐人歌

劉向新序延陵季子將聘晉帶寶劍徐君不言而色欲之季子未獻也然其心已許之使反而徐君已死季子於是是以劍帶徐君墓樹而去徐人為之歌

延陵季子兮不忘故脫千金之劍兮帶丘墓劉向新

子以劍帶徐君墓樹徐人嘉而歌之曰延陵季子不忘舊故千金之劍以帶丘墓

越人歌

劉向說苑曰鄂君子皙泛舟于新波之中乘青翰之舟張翠蓋會鐘鼓之音畢榜柁越人擁楫而歌

于是鄂君乃揄脩袂行而擁之舉繡被而覆之

山有木兮木有枝心說君兮君不知

越謠歌

風土記曰越俗性率朴初與人交有禮封土壇祭以犬雞祝曰

君乘車我帶笠他日相逢下車揖君擔簦我跨馬他

日相逢為君下下一本車作我步行車揖我步行乘車我帶笠後日相逢君

下當

采葛婦歌

吳越春秋曰越王自吳還國勞身苦心懸膽于戶出入嘗之知吳王好服之離體使國中男女入山采葛作黃絲之布以獻之吳王乃增越之封賜羽毛之飾几杖諸侯之服越國大悅采葛之婦傷越

王用心之苦乃作苦之詩曰

葛不連延一作蔓菜台台我君心苦命更之嘗膽不苦

甘如飴令我采葛以作絲女工織兮不敢遲弱于羅

兮輕罪罪號絺素兮將獻之越王悅兮忘罪除叶魚反

吳王歡兮飛尺書叶呂反增封益地賜羽奇几杖茵蓐

諸侯儀羣臣拜舞天顏舒叶同我王何憂能不移

河梁歌

吳越春秋曰越句踐既滅吳霸諸侯號令于齊楚秦晉皆輔周室秦厲公不如命句踐乃選吳越將士西渡河以攻秦秦人懼自引咎越乃還軍軍人悅樂作河梁之詩曰

渡河梁兮渡河梁舉兵所伐攻秦王孟冬十月多雪

霜隆寒道路誠難當陳兵未濟秦師降胡江反諸侯怖

懼皆恐惶聲傳海內威遠邦稱伯穆桓齊楚莊天下

安寧壽考長悲去歸兮河無梁

巴謠歌

茅盈內傳曰秦始皇三十一一年九月庚子茅盈高祖濛于華山之中心乘雲駕鶴白日昇天先是時有

巴謠歌曰云云始皇聞謠歌而問其故父老具對曰此仙人之謠歌勸帝求長生之術于是始皇欣

然乃有尋仙之志
因改臘月嘉平

神仙得者茅初成駕龍上昇入太清時下元洲戲赤
城繼世而往在我盈帝若學之臘嘉平

渡易水歌

一曰荆軻歌

史記曰燕太子丹使荆軻刺秦王太子及賓客知
其事者皆白衣冠以送之至易水之上既祖取道
高漸離擊筑荆軻和而歌為變徵之聲士皆垂淚
涕泣又前而為歌曰云復為羽聲慷慨士皆瞋
目髮盡上指冠於
是荆軻就車而去

風蕭蕭兮易水寒

叶

壯士一去兮不復還

旋音

雉朝飛操

已下琴操附

崔豹古今注曰雉朝飛者牧犢子所作也齊處士
泯宣年五十無妻出薪于野見雉雌雄相隨而飛
意動心悲乃作雉朝飛之
操以自傷焉其聲中絕

雉朝飛兮鳴相和雌雄羣遊于山阿我獨何命兮未

有家叶時將暮兮可柰何嗟嗟莫兮可柰何

獻玉退怨歌

琴操曰卞和者楚野民得玉璞以獻懷王王使樂

平王立為荆王欲獻之又以為欺謾斬其一足懷王死子

繼之以血荆王使剖之恐復見害乃抱玉而哭淚盡

悠悠沂水經荆山旃叶輪反精氣鬱洽谷岩岩中有神寶

灼明明郎叶謨反穴山采玉難為功光叶音於何獻之楚先

王遇王暗昧信讒言斤叶魚反斷截兩足離余身俛仰嗟

嘆心摧傷紫之亂朱粉墨同黃叶徒反空山欷歔泣龍鍾

良叶諸反天鑒孔明竟以彰沂水滂沛流于汶叶微反進寶

得肘足離分叶方反斷者不續豈不怨叶紅云反此歌

出琴操其敘述和事與正史亦異果和所作耶

琴歌見水經注

樂列女傳曰齊人杞梁殖妻戰死其妻哭于城下

古詩選卷一七言六一中華書局聚

樂莫樂兮新相知悲莫悲兮生別離

禹玉牒辭辭附

祝融司方發其英沐日浴月百寶生

皇娥歌

二歌出拾遺記明係偽撰王子年符秦時入附錄末簡

天清地曠浩茫茫萬象迴薄化無方
滄天蕩蕩望滄滄乘桴搖漾著日傍
當期何所至窮桑心知和樂悅
未央

白帝子歌

四維八埏眇難極驅光逐影窮
水域璇宮夜靜當軒織桐峯
文梓千尋直伐梓作器成琴瑟
清歌流暢樂難極滄湄海浦來棲息

七言詩歌行鈔卷第一

七言詩歌行鈔卷第二目次

漢高帝

以下西漢

大風歌

武帝

瓠子歌二首

秋風辭

蒲梢天馬歌

李夫人歌

柏梁詩

昭帝

黃鵠歌

淋池歌

項羽

垓下歌

李陵

別歌

烏孫公主

悲愁歌

趙飛燕

歸風送遠操

馬援

以下
東漢

武溪深行

班固

寶鼎詩

白雉詩

論功詩

詩言 卷之二 目次

崔駰

安封侯詩

張衡

定情歌

刺四愁詩

李尤

九曲歌

樂府古辭

靈芝歌

漢鏡歌

摘錄
二首

戰城南

臨高臺

古辭

平陵東

淮南王篇

樂府一首

匈奴歌

桓帝初小麥童謠

城上烏童謠

魏文帝丕

已下
魏

燕歌行

陳琳

飲馬長城窟

阮籍

大人先生歌

傅玄

已下
晉

雜言

張翰

思吳江歌

趙整

琴歌

謝道韞

詠雪聯句

樂府辭歌曲

晉白紵舞歌三首

女兒子二曲

巴東三峽歌三首

隴上歌

鮑照

宋 已下

代白紵舞歌辭四首

擬行路難

梅花落

代淮南王

梁武帝衍

梁已下

河中之水歌

東飛伯勞歌

無名氏

木蘭詩

無名氏

後魏

咸陽王歌

無名氏

北齊

敕勒歌

庾信 周

烏夜啼

無名氏 隋

雞鳴歌

夷詩

無谷

無谷

無谷

七言詩歌行鈔卷第二

漢魏六朝

天... 濟南... 王士禎... 選

漢高帝 以下漢

大風歌 一名三侯之章

大風起兮雲飛揚威加海內兮歸故鄉安得猛士兮守四方

武帝

瓠子歌二首

瓠子決兮將柰何浩浩洋洋 一作皓 兮慮殫為河殫

為河兮地不得寧功無已時兮吾 音魚 下山平吾山

平兮鉅野溢魚弗鬱兮柏冬日正道弛兮離常流蛟

龍騁兮放 一作方 遠遊歸舊川兮神哉沛不封禪兮安

知外為我謂河伯兮何不仁 一作皇為河 泛濫不止

兮愁吾人鬻桑浮兮淮泗滿久不返兮水維緩鬻桑縣名

河湯湯兮激潺湲北渡回兮迅流難蹇長筭兮湛讀日

沈美玉河伯公一作許兮薪不屬薪不屬兮衛人罪燒

蕭條兮噫乎何以禦水隕林竹兮樾石留側其反宣防

塞兮萬福來

秋風辭

秋風起兮白雲飛草木黃落兮雁南歸蘭有秀兮菊

有芳懷佳人兮不能忘汎樓船兮濟汾河橫中流兮

揚素波簫鼓鳴兮發櫂歌歡樂極兮哀情多少壯幾

時兮柰老何

蒲梢天馬歌

天馬來兮從西極經萬里兮歸有德承靈威兮障外

國涉流沙兮四夷服

李夫人歌

是邪非邪立而望之翩何姍姍其來遲姍姍行步貌先安反

柏梁詩

日月星辰和四時帝驂駕駟馬從梁來梁孝王武郡國士

馬羽林材大司馬總領天下誠難治丞相石慶和撫四夷不

易哉大將軍衛青刀筆之吏臣執之御史大夫倪寬撞鐘伐鼓聲

中詩太常周建德宗室廣大日益滋宗正劉安國周衛交戟禁

不時衛尉路博德總領從宗柏梁臺光祿勳徐自為平理清讞決

嫌疑廷尉杜周脩飾輿一作車馬待駕來太僕公孫賀郡國吏功

差次之大鴻臚壺充國乘輿御物主治之少府温舒王陳粟萬石

揚目一作莒箕大司農張成徼道宮下隨討治執金吾中尉豹三輔

盜賊天下危左馮翊盛宣盜阻南山為民災右扶風李成信外家

公主不可治尹京北椒房率更領其材詹事陳掌蠻夷朝賀

常舍其典屬國柱杆構櫨相枝持大匠枇杷橘栗桃李梅

大官走狗逐兔張罟罟上林令鬻妃女唇甘如飴郭舍人

迫窘詰屈幾窮哉東方朔

昭帝

黃鵠歌

黃鵠飛兮下建章羽肅肅兮行蹌蹌金為衣兮菊為

裳接喋接所甲反荷荇出入蒹葭叶作藏子虛賦其

葭自顧菲薄愧爾嘉祥音藏郎

淋池歌亦見三輔黃圖

秋素景兮泛洪波揮纖手兮折芰荷涼風淒淒揚棹

歌雲光開曙月低河萬歲為樂豈云多

項羽

垓下歌樂府作力拔山操

力拔山兮氣蓋世時不利兮雖不逝雖不逝兮可柰
何虞兮虞兮柰若何

李陵

別歌

徑萬里兮渡沙漠爲君將兮奮匈奴路窮絕兮矢刃
摧士衆滅兮名已隲老母已死雖欲報恩將安歸

烏孫公主

悲愁歌

吾家嫁我兮天一方遠託異國兮烏孫王穹廬爲室
兮氈爲牆以肉爲食兮酪爲漿居常土思兮心內傷
願爲黃鵠兮歸故鄉

趙飛燕

歸風送遠操

古詩

選

卷二 七言

三 中華書局聚

珍傲宋版印

涼風起兮天隕霜懷君子兮渺難望感予心兮多慚
慊

馬援以下東漢

武溪深行

滔滔武溪一何深鳥飛不度獸不敢臨敢字古今注作能嗟

哉武溪古今注有今字多毒淫

班固

寶鼎詩

嶽脩貢兮川效珍吐金景兮歛浮雲寶鼎見兮色紛
緼煥其炳兮被龍文登祖廟兮享聖神昭靈德兮彌
億年

白雉詩

啓靈篇兮披瑞圖獲白雉兮效素鳥嘉祥阜兮集皇

都發皓羽兮奮翹英容潔朗兮於純精彰皇德兮侔
周成永延長兮膺天慶

論功歌

后土化育兮四時行脩靈液養兮元氣復冬同雲兮
春霖霖膏澤泠兮殖嘉穀

崔駰

安封侯詩

戎馬鳴兮金鼓震壯士激兮忘身命被光甲兮跨良
馬揮長戟兮鼓藝文作廓强弩

張衡

定情歌

大火流兮草蟲鳴繁霜降兮草木零秋爲期兮時已
征思美人兮愁屏營

四愁詩序

張衡不樂久處機密陽嘉中出為河闕相時國王
驕奢不遵法度又多豪右并兼之家衡下車收捕
嚴能內察屬縣姦猾行巧懼逃出境郡中大治爭
盡服擒諸豪俠游客悉惶懼逃出境郡中大治爭
訟息獄無繫囚時天子漸弊鬱鬱不得志為四愁
詩效屈原以美人為君下漸弊鬱鬱不得志為四愁
雪霧為小人思以道術相報貽於
時君而懼讒邪不得以通其辭曰

我所思兮在太山欲往從之梁父艱側身東望涕霑
翰美人贈我金錯刀何以報之英瓊瑤路遠莫致倚
逍遙何為懷憂心煩勞

我所思兮在桂林欲往從之湘水深側身南望涕霑
襟美人贈我金五臣琅玕何以報之雙玉盤路遠莫
致倚惆悵何為懷憂心煩傷

我所思兮在漢陽欲往從之隴阪長側身西望涕霑
裳美人贈我貂襜蚩占褕何以報之明月珠路遠莫

裳美人贈我貂襜蚩占褕何以報之明月珠路遠莫

致倚踟躕何爲懷憂心煩紆
我所思兮在雁門欲往從之
雪雰雰側身北望涕霑
巾美人贈我錦繡段何以報之青玉案路遠莫致倚
增歎何爲懷憂心煩惋

烏玩反

李尤

九曲歌

年歲晚暮時已斜安得力士翻日車闕
草日以蘭黃

樂府古辭

靈芝歌

因靈寢兮產靈芝象三德兮瑞應圖延壽命兮光此
都配上帝兮象太微參日月兮揚光輝

漢鏡歌

摘錄二首

戰城南

古詩

選

卷二

七言

五中華書局聚

戰城南死郭北野死不葬烏可食為我謂烏且為客
豪野死諒不葬腐肉安能去子逃水深激激蒲葦冥
冥梟騎戰鬪死驚馬徘徊鳴梁築室何以南何以北
禾黍不穫君何食願為忠臣安可得思子良臣良臣
誠可思朝行出攻暮不夜歸

臨高臺

臨高臺以軒下有清水清且寒江有香草日以蘭黃

鵠高飛離哉翻關弓射鵠令我主壽萬年收中吾履劉

曰篇末收中吾三字其義未詳疑曲調之餘聲如樂錄所謂羊無夷伊那何之類

古辭

平陵東

平陵東松柏桐不知何人劫義公劫義公在高堂下
交錢百萬兩走馬兩走馬亦誠難顧見追吏心中慟

心中慟血出漉歸告我家賣黃犢

右一曲魏晉樂所奏

淮南王篇

樂府列在晉拂舞歌

淮南王自言尊百尺高樓與天連後園鑿井銀作牀
金瓶素縷汲寒漿汲寒漿飲少年少年窈窕何能賢
揚聲悲歌音絕天我欲渡河河無梁願化雙黃鵠還
故鄉還故鄉入故里徘徊故鄉苦身不已繁舞寄聲
無不泰徘徊桑梓遊天外

樂府

行胡從何方列國持何來瓊瑜瑤璫五木香迷迭艾
蒨及都梁

匈奴歌

失我焉支山令我婦女無顏色失我祁連山使我六
畜不蕃息

桓帝初小麥童謠已下附

小麥青青大麥枯誰當穫者婦與姑丈夫何在西擊胡吏置馬君具車請為諸君鼓隳胡

城上烏童謠

城上烏尾畢逋公為吏子為徒一徒死百乘車車班班入河閒河閒媼女工數錢以錢為室金為堂石上慊慊春黃梁梁下有懸鼓我欲擊之丞相怒

魏文帝丕已下魏

燕歌行

秋風蕭瑟天氣涼草木搖落露為霜羣燕辭歸雁南翔念君客遊思斷腸宋書作多思腸慊慊思歸戀故鄉君何淹留寄他方賤妾皤皤守空房憂來思君不敢忘不覺淚下沾衣裳援琴鳴絃發清商短歌微吟不能長

明月皎皎照我牀
星漢西流夜未央
牽牛織女遙相望
爾獨何辜限河梁

陳琳

飲馬長城窟行

飲馬長城窟
水寒傷馬骨
往謂長城吏
慎莫稽留太原卒
官作自有程
舉築諧汝聲
男兒寧當格鬪死
何能怫鬱築長城
長城何連連
連連三千里
邊城多健

少玉臺

兒內舍多寡婦
作書與內舍
便嫁莫留住
善侍

新姑嫜
時時念我故夫子
報書往

一作與

邊地君今出

語一何鄙
身在禍難中
何為稽留他家子
生男慎莫舉
生女哺用脯
君獨不見長城下
死人骸骨相撐拄
結髮行事君
慊慊心意關
一作間
明知邊地苦
賤妾何能久自全

阮籍

大人先生歌

天地解兮六合開
星辰隕兮日月頽
我騰而上將何

懷

傅元記下

雜言

雷隱隱感妾心
傾耳清聽非車音

清無字

張翰

思吳江歌

一曰秋風歌

秋風起兮佳景時
吳江水兮鱸魚肥
三千里兮家未歸
恨難得兮仰天悲

趙整

琴歌

阿得脂阿得脂博勞舊父是仇綏尾長翼短不能飛

遠徙種人留鮮卑一日緩急語阿誰

通鑑作當語誰

且謝道韞

詠雪聯句

白雪紛紛何所似

謝公

撒鹽空中差可擬

胡兒

未若柳絮

因風起

道韞

樂府辭歌曲之內

晉白紵舞歌詩三首

輕軀徐起何洋洋高舉兩手白鶴翔宛若龍轉乍低

昂凝停善睐容儀光如推若引留且行隨世而變誠

無方舞以盡神安可忘晉世方昌樂未央質如輕雲

色如銀愛之遺誰贈佳人制以為袍餘作巾袍以光

軀巾拂塵麗服在御會佳賓醪醴盈樽美且淳清歌

徐舞降祇神四座歡樂胡可陳

宋歌亦用此辭各以下句作上句無麗服

句二

雙袂齊舉鸞鳳翔羅裙飄颻昭儀光趨步生姿進流
芳鳴絃清歌及三陽人生世閒如電過樂時每少苦
日多幸及良辰耀春華齊倡獻舞趙女歌羲和馳景
逝不停春露未晞巖霜零百草凋索花落英蟋蟀吟
牖寒蟬鳴百年之內忽若傾早知迅速秉燭行東造
扶桑遊紫庭西至崑崙戲曾城

陽春白日風花香趨步明玉舞瑤璫聲發金石媚笙
簧羅袿徐轉紅袖揚清歌流響繞鳳梁如矜若思凝
且翔轉盼遺精豔輝光將流將引雙雁行歡來何晚
意何長明君御世永歌昌

女兒子二曲

巴東三峽猿鳴悲夜鳴三聲淚沾衣
我欲上蜀蜀水難蹋蹠珂頭腰環環

巴東三峽三首

巴東三峽巫峽長猿鳴三聲淚沾裳

巴東三峽猿鳴悲猿鳴三聲淚沾衣

灘頭白勃堅相持倏忽淪沒別無期

末首見水經注

隴上歌

隴上壯士有陳安軀幹雖小腹中寬愛養將士同心
肝驪驄父馬鐵鍛鞍七尺大刀奮如湍丈八蛇矛左
右盤十盪十決無當前戰始三交失蛇矛棄我驪驄
竄巖幽爲我外援而懸頭西流之水東流河一去不
還柰子何

鮑照

已下宋

代白紵舞歌辭四首

珍傲宋版印

吳刀楚製為佩褱織羅霧縠垂羽衣含商咀徵歌露

晞珠履

履一作

颯沓紈袖飛淒風夏起素雲回車忘馬

煩客志歸蘭膏明燭承夜輝

桂宮柏寢擬天居朱爵文窗韜綺疏象牀瑤席鎮犀

渠雕屏匝匝組帷

帳一作

舒秦箏趙瑟挾笙竽垂璫散

珮盈玉除停觴不御欲誰須

三星參差露霑溼絃悲管清月將入寒光蕭條候蟲

急荆王流歎楚妃泣紅顏難長時易戢凝華結藻

一作

綵久延立非君之故豈安集

池中赤鯉庖所捐琴高乘去騰

飛一作

上天命逢福世

丁溢恩

福丁溢恩

簪金藉綺升曲筵恩厚德深

一作

思君厚德

委如山潔誠洗志則暮年烏白馬角寧足言

擬行路難

奉君金卮之美酒

璣一作

瑁玉匣之雕琴

七綵芙蓉

之羽帳九華蒲萄之錦衾紅顏零落歲將暮寒光宛

轉時欲沈願君裁悲且減思聽我抵節行路吟不見

柏梁銅雀上寧聞古時清吹音

洛陽名工鑄爲金博山千斲復萬鏤上刻秦女攜手

仙承君清夜之歡娛列置幃裏明燭前外發龍鱗之

丹綵內含麝芬之紫煙如今君心一朝異對此長歎

終百年

璇閨玉墀上椒閣文窗繡戶垂羅幕中有一人字金

蘭被服纖羅采芳藿春燕參差風散梅開幃對景弄

春爵含歌攬涕恆抱愁

玉臺作不能言

人生幾時得爲樂寧

作野中之雙鳧不願雲閒之別鶴

瀉水置平地各自東西南北流人生亦有命安能行
歎復坐愁酌酒以自寬舉杯斷絕歌路難心非木石
豈無感吞聲躑躅不敢言

對案不能食拔劍擊柱長歎息丈夫生世會幾時安
能蹠蹠垂羽翼棄置罷官去還家自休息朝出與親
辭暮還在親側弄兒牀前戲看婦機中織自古聖賢
盡貧賤何況我輩孤且直

愁思忽而至跨馬出北門舉頭四顧望但見松柏園
荆棘鬱蹲蹲集作
搏搏中有一鳥名杜鵑言是古時蜀帝

魂聲音哀苦鳴不息羽毛憔悴似人髣飛走樹間啄

集作
逐

蟲蟻豈憶往日天子尊念此死生變化非常理

中心惻愴不能言

剝葉染黃絲黃絲歷亂不可治我昔與君始相值爾

時自謂可君意結帶與君言死生好惡不相置一作結帶

與君同死生好惡不擬相棄置今朝見我顏色衰意中索寞一作錯漠與

先異還君金玉一作釵玳瑁簪不忍見之一作益愁思

君不見薜華不終朝須臾奄冉零落銷盛年妖豔浮

華輦不久亦當詣冢頭一去無還期千秋萬歲無音

詞孤魂粲粲空隴閒獨魄徘徊遶墳墓但聞風聲野

鳥吟豈憶平生盛年時為此令人多悲悵君當縱意

自熙怡

梅花落

中庭雜樹多偏為梅咨嗟問君何獨然念其霜中能

作花露中能作實搖蕩春風媚春日念爾零落逐寒

風徒有霜華無霜質

代淮南王玉臺分朱城以

淮南王好長生服食鍊氣讀仙經琉璃作盃牙作盤
金鼎玉七合神丹合神丹戲紫房紫房綵女弄明璫
鸞歌鳳舞斷君腸朱城九門一作朱門九閨願逐明
月入君懷入君懷結君佩怨君恨君恃君愛築城思
堅劍思利同盛同衰莫相棄

梁武帝衍已下

河中之水歌

玉臺樂府作梁武帝藝文作古辭

河中之水向東流洛陽女兒名莫愁莫愁十三能織
綺十四採桑南陌頭十五嫁為盧家婦十六生兒字
阿侯盧家蘭室桂為梁中有鬱金蘇合香頭上金釵
十二行足下絲履五文章珊瑚掛鏡爛生光平頭奴
子擎一作提履箱人生富貴何所望恨不早嫁東家王

東飛伯勞歌

一云紹古歌玉臺藝文樂府址作古辭

東飛伯勞西飛鷺黃姑織女時相見誰家兒女對門
居開顏發豔照里閨南牕北牖挂明藝文作桂月光羅幃
綺帳脂粉香女兒年紀十五六窈窕無雙顏如玉三
春已暮花從風空留可憐誰與同

無名氏

木蘭詩

唧唧復唧唧

一作促織何唧唧

木蘭當戶織不聞機杼聲惟

聞女歎息問女何所思問女何所憶女亦無所思女
亦無所憶昨夜見軍帖可汗大點兵軍書十二卷卷
卷有爺名阿爺無大兒木蘭無長兄願爲市鞍馬從
此替爺征東市買駿馬西市買鞍韉南市買轡頭北
市買長鞭朝辭爺孃去暮宿黃河邊不聞爺孃喚女
聲但聞黃河流水鳴濺濺日辭黃河去暮至黑水頭

不聞爺孃喚女聲但聞燕山胡騎聲一作鳴啾啾萬里

赴戎機關山度若飛朔氣傳金柝寒光照鐵衣將軍

百戰死壯士十年歸歸來見天子天子坐明堂策勳

十二轉賞賜一作賜物百千疆可汗問所欲木蘭不用尚

書郎一作欲與木蘭賞不願向書郎願馳千里足西陽雜俎云願借明駝千里足送

兒還故鄉爺孃聞女來出郭相扶將阿姊聞妹來一作

阿姊聞一作來當戶理紅妝小弟聞姊來磨刀霍霍向豬羊

開我東閣門坐我西閣牀脫我戰時袍著我舊時裳

當窗理雲鬢對鏡帖花黃出門看火伴火伴始一作皆

驚惶同行十二年不知木蘭是女郎雄兔免脚撲朔一作

握雌兔眼迷一作彌離兩一作雙免傍地走安能辨我是

雄雌

無名氏後魏

魏

咸陽王歌

可憐咸陽王柰何作事誤金牀玉几不能眠夜踏霜
與露一作夜起踏霜露
洛水湛湛彌岸長行人那得渡

無名氏北齊

敕勒歌

敕勒川陰山下天似穹廬籠蓋四野天蒼蒼野茫茫
風吹草低見牛羊

庾信周

烏夜啼

促柱繁絃非子夜歌聲舞態異前溪御史府中何處
宿洛陽城頭那得棲彈琴蜀郡卓家女織錦秦川竇
氏妻詎不自驚長淚落到頭啼烏恆夜啼

無名氏隋

雞鳴歌

東方欲明星爛爛
汝南晨雞登壇喚
曲終漏盡嚴具
陳月沒星稀天下
旦千門萬戶遞
魚鑰宮中城上飛
鳥鵲

七言詩歌行鈔卷第二

無名氏詩
與言
鳥鵲
東方欲明星爛爛
汝南晨雞登壇喚
曲終漏盡嚴具
陳月沒星稀天下
旦千門萬戶遞
魚鑰宮中城上飛
鳥鵲

宋王冕

七言詩歌行鈔卷第三目次

李嶠

汾陰行

宋之問

寒食江州蒲塘驛

張說

鄴都引

王翰

飲馬長城窟行

徐氏

王

李

張

美食

宋

代

李

丁言

七言詩歌行鈔卷第三

初唐

濟南 王士禎 選

李嶠

汾陰行

君不見昔日西京全盛時
汾陰后土親祭祠
齋宮宿寢設廚供
撞鐘鳴鼓樹羽旂
漢家四葉才且雄
賓筵萬靈服
九戎柏梁賦詩高
宴罷詔書法駕幸
河東河東太守親
掃除奉迎至尊導
鑾輿五營將校列
容衛三河縱觀空
里閭回旌駐蹕降
靈場焚香奠醑邀
百祥金鼎發食正
焜煌靈祇煒燁攄
景光埋玉陳牲禮
神畢舉麾上馬乘
輿出彼汾之曲
嘉可遊木蘭爲楫
桂爲舟棹歌微吟
綵鷁浮簫鼓哀鳴
白雲秋歡娛宴洽
賜羣后家家復除
戶牛酒聲名動天
樂無有千秋

萬歲南山壽自從天子向秦關玉輦金輿不復還珠
簾羽帳長寂寞鼎湖龍髯安可攀千齡人事一朝空
四海爲家此路窮雄豪意氣今何在壇場宮館盡蒿
蓬路逢故老長歎息世事回還不可測昔時青樓對
歌舞今日黃埃聚荆棘山川滿目淚沾衣富貴榮華
能幾時不見只今汾水上唯有年年秋雁飛

宋之問

寒食江州蒲塘驛

去年上巳洛橋邊今年寒食廬山曲遙憐鞏樹花應
滿復見吳洲草新綠吳洲春草蘭杜芳感物思歸懷
故鄉驛騎明朝發何處猿聲今夜斷君腸

張說

鄴都引

君不見魏武草創爭天祿羣雄睚眦相馳逐晝攜壯
士破堅陣夜接詞人賦華屋都邑繚繞西山陽桑榆
漫漫漳河曲城郭爲墟人代改但見西園明月在鄴
傍高冢多貴臣蛾眉曼睩共灰塵試上銅臺歌舞處
唯有秋風愁殺人

王翰

飲馬長城窟行

長一作古
城吟

長安少年無遠圖一生惟羨執金吾麒麟殿前拜天
子走馬爲君西擊胡胡沙獵獵吹人面漢胡相逢不
相見遙聞鐘鼓動地來傳道單于夜猶戰此時顧恩
寧顧身爲君一行摧萬人壯士揮戈迴白日單于濺
血汚朱輪歸來飲馬長城窟長城道傍多白骨問之
耆老何代人云是秦王築城卒黃昏塞北無人煙鬼

哭啾啾聲沸天無罪見誅功不賞孤魂流落此城邊
當昔秦王按劍起諸侯膝行不敢視富國強兵二十
年築怨聲冤九千里秦王築城何太愚天實亡秦非
北胡一朝禍起蕭牆內渭水咸陽不復都

七言詩歌行鈔卷第三

王維

對酒好風懸燈火今年不食酒山出酒
物高深多貴玉細香曼親共或聖結王臨臺好義氣
曼曼豈成曲賦神益越人升交時良西園限只去陳
士幾連朝交楚國入想華星滯邑熱熱西山柳桑餘
吾不負麟丘草陰每天新臺越聖地味燥登畫巒掛

七言詩歌行鈔卷第四目次

王右丞詩七首

夷門歌

隴頭吟

老將行

桃源行

同崔傅答賢弟

故人張諲工詩善易卜兼能丹青草隸頃以詩

見贈聊賦酬之

送崔五太守

附王龍標二首

篋篋引

李城旁曲

李東川詩一十三首

古從軍行

緩歌行

放歌行

放歌行答從弟墨卿

欲之新鄉答崔顥綦毋潛
持尺青草綺配以持

送康洽入京進樂府歌

送劉十

別梁鐙

送從弟遊江淮兼謁鄱陽劉太守

送陳章甫

王愛敬寺古藤歌

十言送劉昱

送郝判官

聽董大彈胡笳聲兼語弄寄房給事

高常侍詩七首

古大梁行

李邕鄆少年行

燕歌行

人日寄杜二拾遺

送渾將軍出塞

別韋參軍

賦得還山吟送沈四山人西

附崔司勳一首

孟門行

岑嘉州詩八首

白雪歌送武判官歸京

輪臺歌奉送封大夫出師西征

走馬川行奉送出師西征

函谷關歌送劉評事使關西

與獨孤漸道別長句兼呈嚴八侍御

送費子歸武昌

衛節度赤驃馬歌

玉門關蓋將軍歌

李翰林詩二十六首

遠別離

蜀道難

梁甫吟

烏棲曲

戰城南

行路難

醉後贈從甥高鎮

贈裴十四

廬山謠寄盧侍御虛舟

灞陵行送別

於宣州謝朓樓餞別校書叔雲

金陵酒肆留別

夜泊黃山聞殷十四吳吟

金陵歌送范宣

梁園吟

襄陽歌

西岳雲臺歌送丹丘子

鳴皋歌奉餞從翁清歸五崖山居

勞勞亭歌

橫江詞

扶風豪士歌

金陵西樓月下吟

江上吟

答王十二寒夜獨酌有懷

夢遊天姥吟留別

南陵別兒童入京

七言詩歌行鈔卷第四

盛唐五家選

濟南文王士禎選

王右丞詩七首

夷門歌

七雄雄雌猶未分攻城殺將何紛紛秦兵益圍邯鄲
 急魏王不救平原君公子為嬴停駟馬執轡愈恭意
 愈下亥為屠肆鼓刀人嬴乃夷門抱關者非但慷慨
 獻奇一作良謀意氣兼將身命酌向風刎頸送公子七
 十老翁何所求

隴頭吟

長城少年遊俠客夜上戍樓看太白隴頭明月迴臨
 關隴上行人夜吹笛關西老將不勝愁駐馬聽之雙
 淚流身經大小百餘戰麾下偏裨萬戶侯蘇武纔為

典屬國節旄空一作落盡海西頭

老將行

少年十五二十時步行奪取胡馬騎射殺山中一作陰山

白額虎肯數鄴下黃鬚兒一身轉戰二千里一劍曾

當百萬師漢兵奮迅如霹靂胡騎崩騰畏蒺藜衛青

不敗由天幸李廣無功緣數奇自從棄置便衰朽世

事蹉跎成白首昔時飛箭當作雀無全目今日垂楊生

左肘路傍時賣故侯瓜門前學種先生柳蒼茫一作茫

古木連一作迷窮巷遼一作寥落寒山對虛牖誓令疏勒

出飛泉不似潁川空使酒賀蘭山下陣如雲羽檄交

馳日夕聞節使三河募年少詔書五道出將軍試拂

鐵衣如雪色聊持寶劍動星文願得燕弓射天將恥

令越甲鳴吾君一作軍謀莫嫌舊日雲中守猶堪一戰立

樹一作功勳

桃源行

漁舟逐水愛山春
兩岸桃花夾去津
坐看紅樹不知遠
行盡青溪不見人
山口潛行始隈隩
山開曠望旋平陸
遙看一處攢雲樹
近入千家散花竹
樵客初傳漢姓名
居人未改秦衣服
居人共住武陵源
還從物外起田園
月明松下房櫳靜
日出雲中雞犬喧
驚聞俗客爭來集
競引還家問都邑
平明闔巷掃花開
薄暮漁樵乘水入
初因避地去人閒
及至成仙遂不還
峽裏誰知有人事
世中遙望空雲山
不疑靈境難聞見
塵心未盡思鄉縣
出洞無論隔山水
辭家終擬長游衍
自謂經過舊不迷
安知峯壑今來變
當時只記入山深
青溪幾曲到雲林
春來遍是桃花水
不辨仙

源何處尋

同崔傅答賢弟

洛陽才子姑蘇客，桂苑殊非故鄉陌。
九江楓樹幾回青，一片揚州五湖白。
揚州時有下江兵，蘭陵鎮前吹笛聲。
夜火人歸富春郭，秋風鶴唳石頭城。
周郎陸弟爲儔侶，對舞前谿歌白紵。
曲几書留小史家，草堂棋賭山陰墅。
衣冠若話外臺臣，先數夫君席上珍。
更聞臺閣求三語，遙想風流第一人。

故人張誼工詩善易卜兼能丹青草隸頃以詩

見贈聊賦酬之

不逐城東遊俠兒，隱囊紗帽坐彈棋。
蜀中夫子時開卦，洛下書

一作諸

生解詠詩藥欄花逕衡門裏時復據

梧聊隱几屏風誤點惑孫郎團扇草書輕
內史故園

高枕度三春永日垂帷絕四鄰自想一作蔡邕今已

老更將書籍與何人

送崔五太守

長安廐吏來到門朱文露網動行軒黃花縣西九折
坂玉樹宮南五丈原褒斜谷中不容轆惟有白雲當
露冕子午山裏杜鵑啼嘉陵水頭行客飯劍門忽斷
蜀川開萬井雙流滿眼來霧中遠樹刀州出天際澄
江巴字迴使君年紀一作幾三十餘少年白晝專城居
欲持畫省郎官筆迴與臨邛父老書

附王龍標二首

筌篋引

盧一作谿郡南夜泊舟夜聞兩岸羌戎謳其時月黑

猿啾啾微雨沾衣令人愁有一遷客登高樓不言不

寐彈箜篌彈作薊門桑葉秋風沙颯颯青冢頭將軍

鐵驄汗血流深入匈奴戰未休黃旗一點兵馬收亂

殺胡人積如丘瘡病驅來役一作邊州仍披漠北羔

羊裘顏色飢枯掩面羞眼眶淚滴深兩眸思還本鄉

食犛牛欲語不得指咽喉或有強壯能呼嘯意說被

他邊將讎五世屬蕃漢主留碧毛氈帳河曲遊橐駝

五萬部落稠敕賜飛鳥金兜鍪為君百戰如過籌靜

掃陰山無鳥投家藏鐵券特承優黃金千一作斤不

稱求九族分離作楚囚深谿寂寞絃苦幽草木悲感

聲颼颼僕本東山為國憂明光殿前論九疇篋讀兵

書盡冥搜為君掌上施權謀洞曉山川無與傳紫宸

詔發遠懷柔搖筆飛霜如奪鉤鬼神不得知其由憐

愛蒼生比虬蟬朔一作緣河屯兵須漸抽盡遣降來拜

御溝便令海內休戈矛何用班超定遠侯史臣書之
得已不

城旁曲

秋風鳴桑條草白狐兔驕邯鄲飲來酒未消城北原
平掣阜鵬射殺空營兩騰虎迴身却月佩弓弣

李東川詩一十三首

古從軍行

白日登山望烽火黃昏飲馬傍交河行人刁斗風沙
暗公主琵琶幽怨多野雲萬里無城郭雨雪紛紛連
大漠胡雁哀鳴夜夜飛胡兒眼淚雙雙落聞道玉門
猶被遮應將性命逐輕車年年戰骨埋荒外空見蒲
桃入漢家

緩歌行

古

詩

選

卷四

七言

四

中華書局聚

小來託身攀貴遊，傾財破產無所憂。暮擬

紀事經過
作夜

石渠署朝將，出入銅龍樓。結交杜陵輕薄子，謂言可

生復可死。一沈一浮會有時，棄我翻然如脫屣。男兒

立身須自強，十年閉戶潁水陽。業就功成見明主，擊

鐘鼎食坐華堂。二八蛾眉梳墮馬，美酒清歌曲房下。

文昌宮中賜錦衣，長安陌上退朝歸。五陵賓從莫敢

視，三省官僚揖者稀。早知今日讀書是，悔作從前任

來一作俠非

放歌行答從弟墨卿

小來好文恥學武，世上功名不解取。雖沾寸祿已後
時，徒欲出身事明主。柏梁賦詩不及宴，長楸走馬誰
相數。斂迹俛眉心自甘，高歌擊節聲半苦。由是蹉跎
一老夫，養雞牧豕城東隅。空歌漢代蕭相國，肯事霍

家馮子都徒爾當年聲籍籍濫作詞林兩京客故人
斗酒安陵橋黃鳥春風洛陽陌吾家令弟才不羈五
言破的人共推興來逸氣如濤湧千里長江歸海時
別離短景何蕭索佳句相思能閒作舉頭遙望魯陽
山木葉紛紛向人落

欲之新鄉答崔顥綦毋潛

數年作吏家屢空誰道黑頭成老翁男兒在世無產
業行子出門如轉蓬吾屬交歡此何夕南家擣衣動
歸客銅鑪將炙相歡飲星宿縱橫露華白寒風捲葉
度滹沱飛雪布地悲峨峨孤城日落見棲鳥馬上時
聞漁者歌明朝東路把君手臘日辭君期歲首自知
寂寞無去思敢望縣人致牛酒

送康洽入京進樂府歌

古

詩

選

卷四

七言

五

中華書局聚

識子十年何不遇只愛歡遊兩京路朝吟左氏嬌女
篇夜誦相如美人賦長安春物舊相宜小苑蒲萄花
滿枝柳色偏濃九華殿鶯聲醉殺五陵兒曳裾此日
從何所中貴由來盡相許白袂一作袂春衫仙吏贈烏
皮隱几臺郎與新詩樂府唱堪愁御妓應傳鵲鵲樓
西上雖因長公主終須一見曲陵一作陽侯

送劉十

三十不官亦不娶時人焉識道高下房中唯有老氏
經懣上空餘少游馬往來嵩華與函秦放歌一曲前
山春西林獨鶴引閑步南澗飛泉清角巾前年上書
不得意歸臥東山兀然醉諸兄相繼掌青史第五之
名齊驃騎烹葵摘果告我行落日夏雲縱復橫聞道
謝安掩口笑知君不免爲蒼生

別梁鎰

梁生倜儻心不羈途窮氣蓋長安兒回頭轉盼似鷗鷺
鷺有志飛鳴人豈知雖云四十無祿位曾與大軍掌
書記抗辭請刃誅部曲作色論兵犯二帥一言不合
龍額侯擊劍拂衣從此棄朝朝飲酒黃公壚脫帽露
頂爭叫呼庭中犢鼻昔嘗挂懷裏琅玕今在無時人
見子多落魄共笑狂歌非遠圖忽然遣躍紫騮馬還
是昂藏一丈夫洛陽城頭曉霜白層冰峨峨滿川澤
但聞行路吟新詩不歎舉家無儋石莫言貧賤長可
欺覆簣成山當有時莫言富貴長可託木槿朝看暮
還落不見古時塞上翁倚伏由來任天作去去滄波
勿復陳五湖三江愁殺人

送從弟遊江淮兼謁鄱陽劉太守

都門柳色朝朝新
念爾今爲江上人
穆陵關帶清風
遠彭蠡湖連芳草
春泊舟借問西林寺
曉聽猿聲在山翠
潯陽北望雁鴻回
溢水東流客心醉
須知聖代舉賢良
不使遺才滯一方
應見鄱陽虎符守
思歸共指白雲鄉

送陳章甫

四月南風大麥黃
棗花未落桐葉長
青山朝別暮還見
嘶馬出門思故鄉
陳侯立身何坦蕩
虬鬚虎眉仍大顙
腹中貯書一萬卷
不肯低頭在草莽
東門沽酒飲我曹
心輕萬事如一作皆鴻毛
醉臥不知白日暮
有時空望孤雲高
長河浪頭連天黑
津吏停舟渡不得
鄭國遊人未及家
洛陽行子空歎息
聞道故林相識多
罷官昨日今如何

愛敬寺古藤歌

古藤池水盤樹根左攫右拏龍虎蹲橫空直上相陵
突丰茸離繩若無骨風雷霹靂連黑枝人言其下藏
妖魘空庭落葉乍開合十月苦寒常倒垂憶昨花飛
滿空殿密葉吹香飯僧遍南階雙桐一百尺相與年
年老霜霰

送劉昱

八月寒葦花秋江浪頭白北風吹五兩誰是潯陽客
鷓鴣山頭微雨晴揚州郭裏暮潮生行人夜宿金陵
渚試聽沙邊有雁聲

送郝判官

楚城木葉落夏口青山轉

一作遍

鴻雁向南時君乘使

者傳楓林帶水驛夜火明山縣千里送行人蔡州如

眼見江連清漢東，逶迤遙望荆雲相蔽虧。應問襄陽舊風俗，爲余騎馬習家池。

聽董大彈胡笳聲兼語弄寄房給事

蔡女昔造胡笳聲，一彈一十有八拍。胡人落淚沾

一作

向

邊草，漢使斷腸對歸客。古戍蒼蒼烽火寒，大荒沈

一作陰

沈飛雪白。先拂商絃後角羽，四郊秋葉驚撼撼。

董夫子通神明，深松

一作山

竊聽來妖精。言遲更速皆

應手，將往復旋如有情。空山百鳥散還合，萬里浮

一作

孤

雲陰且晴

一作明

嘶酸雜雁失羣，夜斷絕胡兒戀母

聲。川爲靜其波，鳥亦罷其鳴。烏孫

一作珠

部落家鄉遠

邏娑沙塵哀怨生，幽音變調忽飄灑。長風吹林雨墮

瓦，迸泉颯颯飛木末。野鹿呦呦走堂下，長安城連東

掖垣。鳳凰池對青瑣門，高才脫略名與利。日夕望君

抱琴至

高常侍詩七首

古大梁行

古城莽蒼

蒼一作茫

饒荆榛驅馬荒城愁殺人魏王宮觀

一作館

又作殿 盡禾黍信陵賓客隨灰塵憶昨雄都舊朝市

軒車照耀歌鐘起軍容帶甲三十萬國步連營

一作衡

一作五

千里全盛須臾那可論高臺曲池無復存遺

墟但有

一作見

狐狸迹

一作窟

古地空餘草木根暮天搖

落傷懷抱撫劍悲歌對秋草俠客猶傳朱亥名行人

尚識夷門道白壁黃金萬戶侯寶刀駿馬填山丘年

代淒涼不可問往來唯見

一作有

水東流

邯鄲少年行

邯鄲城南遊俠子自矜生長邯鄲裏千場縱博家仍

富幾處報讎身不死宅中歌笑日紛紛門外車馬如

雲屯一作常未知肝膽向誰是令人却憶平原君君

一本無不見今人一作交態薄黃金用盡還疎索以

茲感歎辭舊遊更於時事無所求且與少年飲美酒

往來射獵西山頭

燕歌行

漢家煙塵在東北漢將辭家破殘賊男兒當自重橫

行天子非常賜一作顏色一作擬金伐鼓下榆關旌旆逶

迤碣石閒校尉羽書飛瀚海單于獵火照狼山山川

蕭條極邊土胡騎憑陵雜風雨戰士軍前半死生美

人帳下猶歌舞大漠窮秋塞草腓孤城落日鬪兵稀

身當恩遇常輕敵力盡關山未解圍鐵衣遠戍辛勤

久玉筯應啼別離後少婦城南欲斷腸征夫薊北空

回首邊庭飄颻那可度絕域蒼茫一作無何所有

殺氣三時作陣雲寒聲一夜傳刁斗相看白刃血一作

雪紛紛死節從來豈顧勳君不見沙場征戰苦至今

猶憶李將軍

人日寄杜二拾遺

人日題詩寄草堂遙憐故人思故鄉柳條弄色不忍

見梅花滿枝空一作斷腸身在遠藩無所豫心

懷百憂復千慮今年人日空相憶明年人日知何處

一臥東山三十春豈知書劍老一作風塵龍鍾還忝

二千石愧爾東西南北人

送渾將軍出塞

將軍族貴兵且強漢家已是渾邪王子孫相承在朝

野至今部曲燕支下控弦盡用陰山兒登一作陣長

騎大宛馬銀鞍玉勒繡螭弧每逐嫖姚破骨都李廣
從來先將士衛青未肯學孫吳傳有沙場十萬騎昨
日邊庭羽書至城頭畫角三四聲匣裏寶刀晝夜鳴
意氣能甘萬里去辛勤動一作判作一年行黃雲白草
無前後朝建旌旄夕刁斗塞下應多依少年關西不
見春楊柳從軍借問所從誰擊劍酣歌當此時遠別
無輕繞朝策平戎早寄仲宣詩

別韋參軍

二十解書劍西遊長安城舉頭望君門屈指取公卿
國風冲融邁三五朝廷歡一作禮樂彌寰宇白璧皆言

賜近臣布衣不得干明主歸來洛陽無負郭東過梁
宋非吾土兔苑為農歲不登雁池垂釣心長苦世人
向一作遇我同衆人唯君於我最一作情相親且喜百年

有一作見

交態未常一日辭家貧彈棋擊筑白日晚縱

酒高歌楊柳春歡娛未盡分散去使我惆悵驚心神

丈夫

終一作當

不作兒女別臨歧涕淚

泗一作

沾衣巾

賦得還山吟送沈四山人

還山吟天高日暮寒山深送君還山識君心人生老大須恣意看君解作一生事山閒偃仰無不至石泉淙淙若風雨桂花松子常滿地賣藥囊中應有錢還山服藥又長年白雲勸盡杯中物明月相隨何處眠醉時憶問醒時事一作意夢魂可以相周旋

附崔司勳一首

孟門行

黃雀御黃花翩翩傍簷隙本擬報君恩如何反彈射金壘美酒滿座春平原愛才多衆賓滿堂盡是忠義

士何意得有讒諛人諛言反覆那可道能令君心不
自保北園新栽桃李枝根株未固何轉移成陰結實

子一作君自取若借一作問傍人那得知

岑嘉州詩八首

白雪歌送武判官歸京

北風捲地白草折胡天八月即飛雪忽如一夜春風
來千樹萬樹梨花開散入珠簾溼羅幙狐裘不煖錦
衾薄將軍角鵬一作弓不得控都尉鐵衣冷難著瀚海
闌干百丈千一作尺冰愁雲慘淡萬里凝中軍置酒飲歸
客胡琴琵琶與羌笛紛紛暮雪下轅門風掣紅旗凍
不翻輪臺東門送君去去時雪滿天山路山迴路轉
不見君雪上空留馬行處

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過渠
犁單于已在金山西戍樓西望煙塵黑漢兵屯在輪
臺北上將擁旄西出征平明吹笛大軍行四邊伐鼓
雪海湧三軍大呼陰山動虜塞兵氣連雲屯戰場白
骨纏草根劍河風急雲片闊沙一作邊石凍馬蹄脫
亞相勤王甘苦辛誓將報主靜邊塵古來青史誰不
見今見功名勝古人

走馬川行奉送出師西征

君不見走馬川行雪海邊平沙莽莽黃入天輪臺九
月風夜吼一川碎石大如斗隨風滿地石亂走匈奴
草黃馬正肥金山西見煙塵飛漢家大將今出師將
軍金甲夜不脫半夜軍行戈相撥風頭如刀面如割
馬毛帶雪汗氣蒸五花連錢旋作冰幕中草檄硯水

凝虜騎聞之心膽懾料知短兵不敢接車師西門佇
獻捷

函谷關歌送劉評事使關西

君不見函谷關崩城毀壁至今在樹根草蔓遮古道

空谷千年長不改寂寞無人空舊山聖朝無外事一作

不須關白馬公孫何處去青牛老人更不還蒼苔白

骨滿空地月與古時長相似野花不省見行人山鳥

何曾識關吏故人方乘使者車吾知郭丹却不如請

君還憶關外客行到關西多致書

與獨孤漸道別長句兼呈嚴八侍御

輪臺客舍春草滿潁陽歸客腸堪斷窮荒絕漠鳥不

飛萬磧千山夢猶懶憐君白面一書生讀書千卷未

成名五侯貴門腳不到數畝山田身自耕興來浪跡

無遠近及至辭家憶鄉信無事垂鞭信馬頭西南幾
欲窮天盡奉使三年獨未歸邊頭詞客舊來稀借問
君來得幾日到家不覺換春衣高齋清晝卷羅幕紗
帽接羅慵不著中酒朝眠日色高彈棋夜半燈花落
冰片高堆金錯盤滿堂凜凜五月寒桂林蒲萄新吐
蔓武城刺密未可餐軍中置酒夜搗鼓錦筵紅燭月
未午花門將軍善胡歌葉河蕃王能漢語知爾園林
壓渭濱夫人堂上泣羅裙魚龍川北盤溪雨烏鼠山
西洮水雲臺中嚴公於我厚別後新詩滿人口自憐
棄置天西頭因君爲問相思否

送費子歸武昌

漢陽歸客悲秋草旅舍葉飛愁不掃秋來倍憶武昌
魚夢著只在巴陵道曾隨上將過祁連離家十年恆

在邊劍鋒可惜虛用盡馬蹄無事今已穿知君開館
常愛客樗蒲百金每一擲平生有錢將與人江上故
園空四壁吾觀費子毛骨奇廣眉大口仍赤髭看君
失路尚如此人生貴賤那得知高秋八月歸南楚東
門一壺聊出祖路指鳳凰山北雲衣沾鸚鵡洲邊雨
勿歎蹉跎白髮新應須守道勿羞貧男兒何必戀妻
子莫向江村老却人

衛節度赤驃馬歌

君家赤驃畫不得一團旋風桃花色紅纓紫鞵珊瑚
鞭玉鞍錦韉黃金勒請君韉一作鞍出看君騎尾長牽
地如紅絲自矜諸馬皆不及却憶百金新買時香街
紫陌鳳城內滿城見者誰不愛揚鞭驟急白汗流弄
影行驕碧蹄碎紫髯胡雛金剪刀平明翦出三髮高

樞上看時獨意氣衆中牽出偏雄豪騎將獵向南山
口城南狐兔不復有草頭一點疾如飛却使蒼鷹翻
向後憶昨看君朝未央鳴珂擁蓋滿路香始知邊將
真富貴可憐人馬相輝光男兒稱意得如此駿馬長
鳴北風起待君東去掃胡塵爲君一日行千里

玉門關蓋將軍歌

蓋將軍真丈夫行年三十執金吾身長七尺頗有鬚
玉門關城迴且孤黃沙萬里白草枯南鄰大戎北接
胡將軍到來備不虞五千甲兵膽力麤軍中無事但
歡娛暖屋繡簾紅地爐織成壁衣花氍毹燈前侍婢
瀉玉壺金鐙亂點野酖酥紫紱金章左右趨問著只
是蒼頭奴美人一雙閑且都朱脣翠眉映明矐一作眸

清歌一曲世所無今日喜聞鳳將雛可憐絕勝秦羅

珍做宋版印

敷使君五馬謾踟躕野草繡窠紫羅襦紅牙鏤馬對
檇蒲玉盤纖手撒作盧衆中誇道不曾輸慙上昂昂
皆駿駒桃花叱撥價最殊騎將獵向城南隅臘日射
殺千年狐我來塞外按邊儲爲君取醉酒剩沽醉爭
酒盞相喧呼忽一作却憶咸陽舊酒徒

李翰林詩二十六首

遠別離

遠別離古有皇英之二女乃在洞庭之南瀟湘之浦
海水直下萬里深誰人不言此離苦日慘慘兮雲冥
冥猩猩啼煙兮鬼嘯雨我縱言之將何補皇穹竊恐
不照余之忠誠雷馮馮兮欲吼怒堯舜當之亦禪禹
君失臣兮龍爲魚權歸臣兮鼠變虎或云堯幽囚舜
野死九疑聯綿皆相似重瞳孤墳竟何是帝子泣兮

綠雲閒隨風波兮去無還慟哭兮遠望見蒼梧之深
山蒼梧山崩湘水絕竹上之淚乃可滅

蜀道難

噫噓噓危乎高哉蜀道之難難於上青天蠶叢及魚
鳧開國何茫然爾來四萬八千歲不與秦塞通人煙
西當太白有鳥道可以橫絕峨眉巔地崩山摧壯士
死然後天梯石棧相鉤連上有六龍迴日之高標下
有衝波逆折之迴川黃鶴之飛尚不得過猿猱欲度
愁攀緣青泥何盤盤百步九折縈巖巒捫參歷井仰
脅息以手撫膺坐長歎問君西遊何時還畏途巖巖
不可攀但見悲鳥號枯木雄飛呼雌遶林閒又聞子
規啼夜月愁空山蜀道之難難於上青天使人聽此
凋朱顏連峯去天不盈尺枯松倒挂倚絕壁飛湍瀑

流爭喧豕礮崖轉石萬壑雷其險也如此嗟爾遠道
之人胡爲乎來哉劍閣崢嶸而崔嵬一夫當關萬夫
莫開所守或匪親化爲狼與豺朝避猛虎夕避長蛇
磨牙吮血殺人如麻錦城雖云樂不如早還家蜀道
之難難於上青天側身西望長咨嗟

梁甫吟

長嘯梁甫吟何時見陽春君不見朝歌屠叟辭棘津
八十西來釣渭濱寧嗟白髮照清水逢時吐氣思經
綸廣張三千六百釣風期暗與文王親大人虎變愚
不測當年頗似尋常人君不見高陽酒徒起草中長
揖山東隆準公入門不拜騁雄辯兩女輟洗來趨風
東下齊城七十二指麾楚漢如旋蓬狂客落魄尚如
此何況壯士當羣雄我欲攀龍見明主雷公砰訇震

天鼓帝旁投壺多玉女三時大笑開電光倏爍晦冥
起風雨閭闔九門不可通以額叩闕閭者怒白日不
照吾精誠祀國無事憂天傾楔踰磨牙競人肉騶虞
不折生草莖手接飛猱搏彫虎側足焦原未言苦智
者可卷愚者豪世人見我輕鴻毛力排南山三壯士
齊相殺之費二桃吳楚弄兵無劇孟亞夫哈爾爲徒
勞梁甫吟聲正悲張公兩龍劍神物合有時風雲感
會起屠釣大人峴岬當安之

烏棲曲

姑蘇臺上烏棲時吳王宮裏醉西施吳歌楚舞歡未
畢青山欲銜半邊日銀箭金壺漏水多起看秋月墜
江波東方漸高柰樂何

戰城南

古

詩

選

卷四

七言

五
中華書局聚

去年戰桑乾源今年戰蔥河道洗兵條支海上波放
馬天山雪中草萬里長征戰三軍盡衰老匈奴以殺
戮爲耕作古來唯見白骨黃沙田秦家築城備胡處
漢家還有烽火燃烽火燃不息征戰無已時野戰格
鬪死敗馬號鳴向天悲烏鳶啄人腸銜飛上挂枯樹
枝士卒塗草莽將軍空爾爲乃知兵者是凶器聖人
不得已而用之

行路難

金樽清酒斗十千玉盤珍羞直萬錢停杯投筯不能
食拔劍四顧心茫然欲渡黃河冰塞川將登太行雪
暗天閒來垂釣坐溪上忽然乘舟夢日邊行路難行
路難多岐路今安在長風破浪會有時直挂雲帆濟

滄海

醉後贈從甥高鎮

馬上相逢揖馬鞭，客中相見客中憐。
欲邀擊筑悲歌飲，正值傾家無酒錢。
江東風光不借人，枉殺落花空自春。
黃金逐手快意盡，昨日破產今朝貧。
丈夫何事空嘯傲，不如燒却頭上巾。
君爲進士不得進，我被秋霜生旅鬢。
時清不及英豪人，三尺兒童重廉藺。
匣中盤劍裝鰓魚，閑在腰間未用渠。
且將換酒與君醉，醉歸託宿吳專諸。

贈裴十四

朝見裴叔則，朗如行玉山。
黃河落天走東海，萬里寫入胸懷閒。
身騎白黿不敢度，金高南山買君顧。
裴徊六合無相知，飄若浮雲且西去。

廬山詩寄盧侍御虛舟

我本楚狂人鳳歌笑孔丘手持綠玉杖朝別黃鶴樓
五嶽尋仙不辭遠一生好入名山遊廬山秀出南斗
傍屏風九疊雲錦張影落明湖青黛光金闕前開二
峯長銀河倒挂三石梁香爐瀑布遙相望迴崖沓嶂
凌蒼蒼翠影紅霞映朝日鳥飛不到吳天長登高壯
觀天地閒大江茫茫去不還黃雲萬里動風色白波
九道流雪山山好爲廬山謠興因廬山發閑窺石鏡清
我心謝公行處蒼苔沒早服還丹無世情琴心三疊
道初成遙見仙人綵雲裏手把芙蓉朝玉京先期汗
漫九垓上願接盧敖遊太清

灞陵行送別

送君灞陵亭灞水流浩浩上有無花之古樹下有傷
心之青草我向秦人問路岐云是王粲南登之古道

古道連綿走西京紫闕落日浮雲生正當今日斷腸
處黃鸝愁絕不忍聽

於宣州謝朓樓餞別校書叔雲

棄我去者昨日之日不可留亂我心者今日之日多
煩憂長風萬里送秋雁對此可以酣高樓蓬萊文章
建安骨中間小謝又清發俱懷逸興壯思飛欲上青
天見明月抽刀斷水水更流舉杯消愁愁更愁人生
在世不稱意明朝散髮弄扁舟

金陵酒肆留別

風吹柳花滿店香吳姬壓酒喚客嘗金陵子弟來相
送欲行不行各盡觴請君試問東流水別意與之誰
短長

夜泊黃山聞殷十四吳吟

昨夜誰爲吳會吟風生萬壑振空林龍驚不敢水中
臥猿嘯時聞巖下音我宿黃山碧溪月聽之却罷松
閒琴朝來果是滄洲逸酤酒提盤飯霜粟半酣更發
江海聲客愁頓向杯中失

金陵歌送范宣

石頭巉巖如虎踞凌波欲過滄江去鍾山龍盤走勢
來秀色橫分歷陽樹四十餘帝三百秋功名事跡隨
東流白馬小兒誰家子泰清之歲來鬪囚金陵昔時
何壯哉席卷英豪天下來冠蓋散爲煙霧盡金輿玉
座成寒灰扣劍悲吟空咄嗟梁陳白骨亂如麻天子
龍沈景陽井誰歌玉樹後庭花此地傷心不能道目
下離離長春草送爾長江萬里心他年來訪南山老

梁園吟

我浮黃河去京闕挂席欲進波連山天長水闊厭遠
涉訪古始及平臺閒平臺爲客憂思多對酒遂作梁
園歌却憶蓬池阮公詠因吟淶水揚洪波洪波浩蕩
迷舊國路遠西歸安可得人生達命豈暇愁且飲美
酒登高樓平頭奴子搖大扇五月不熱疑清秋玉盤
楊梅爲君設吳鹽如花皎白雪持鹽把酒但飲之莫
學夷齊事高潔昔人豪貴信陵君今人耕種信陵墳
荒城虛照碧山月古木盡入蒼梧雲梁王宮闕今安
在枚馬先歸不相待舞影歌聲散綠池空餘汴水東
流海沈吟此事淚滿衣黃金買醉未能歸連呼五白
行六博分曹賭酒酣馳暉歌且謠意方遠東山高臥
時起來欲濟蒼生未應晚

襄陽歌

落日欲沒峴山西倒著接羅花下迷襄陽小兒齊拍手攔街爭唱白銅鞮傍人借問笑何事笑殺山翁醉似泥鷓鴣杓鸚鵡杯百年三萬六千日一日須傾三百杯遙看漢水鴨頭綠恰似蒲萄初醱醅此江若變作春酒壘麴便築糟丘臺千金駿馬換小妾笑坐金鞍歌落梅車傍側挂一壺酒鳳笙龍管行相催咸陽市中歎黃犬何如月下傾金罍君不見晉朝羊公一片石龜頭剝落生莓苔淚亦不能爲之墮心亦不能爲之哀清風明月不用一錢買玉山自倒非人推舒州杓力士鎗李白與爾同死生襄王雲雨今安在江水東流猿夜聲

西岳雲臺歌送丹丘子

西岳崢嶸何壯哉黃河如絲天際來黃河萬里觸山

動盤渦轂轉秦地雷榮光休氣紛五綵千年一清聖
人在巨靈咆哮劈兩山洪波噴箭射東海三峯卻立
如欲摧翠崖丹谷高掌開白帝金精運元氣石作蓮
花雲作臺雲臺閣道連窈冥中有不死丹丘生明星
玉女備灑掃麻姑搔背指爪輕我皇手把天地戶丹
丘談天與天語九重出入生光輝東求蓬萊復西歸
玉漿儻惠故人飲騎二茅龍上天飛

鳴皋歌奉餞從翁清歸五崖山居

憶昨鳴皋夢裏還手弄素月清潭閒覺時枕席非碧
山側身西望阻秦關麒麟閣上春還早著書却憶伊
陽好青松來風吹古道綠蘿飛花覆煙草我家仙翁
愛清真才雄草聖凌古人欲臥鳴皋絕世塵鳴皋微
茫在何處五崖峽水橫樵路身披翠雲裘袖拂紫煙

去去時應過嵩少閒相思爲折三花樹

勞勞亭歌

金陵勞勞送客堂蔓草離離生道傍古情不盡東流水此地悲風愁白楊我乘素舸同康樂朗詠清川飛夜霜昔聞牛渚吟五章今來何謝袁家郎苦竹寒聲動秋月獨宿空簾歸夢長

橫江詞

人言橫江好儂道橫江惡一風三日吹倒山白浪高於瓦官閣

扶風豪士歌

洛陽三月飛胡沙洛陽城中人怨嗟天津流水波赤血白骨相撐如亂麻我亦東奔向吳國浮雲四塞道路賒東方日出啼早鴉城門人開掃落花梧桐楊柳

拂金井來醉扶風豪士家扶風豪士天下奇意氣相
傾山可移作人不倚將軍勢飲酒豈顧尚書期雕盤
綺食會衆客吳歌趙舞香風吹原嘗春陵六國時開
心露膽君所知堂中各有三千士明日報恩知是誰
舞持長劍一揚眉清水白石何離離脫吾帽向君笑
飲君酒爲君吟張良未逐赤松去橋邊黃石知我心

金陵西樓月下吟

金陵夜寂涼風發獨上江樓望吳越白雲映水搖空
城白露垂珠滴秋月月下沉吟久不歸古來相接眼
中稀解道澄江靜如練令人還憶謝玄暉

江上吟

木蘭之枻沙棠舟玉簫金管坐兩頭美酒樽中置千
斛載妓隨波任去留仙人有待乘黃鶴海客無心隨

白鷗屈平詞賦懸日月楚王臺榭空山丘興酣落筆
搖五嶽詩成笑傲凌滄洲功名富貴若長在漢水亦
應西北流

答王十二寒夜獨酌有懷

昨夜吳中雪子猷佳興發萬里愁雲卷碧山青天中
道流孤月孤月滄浪河漢清北斗錯落長庚明懷余
對酒夜霜白玉牀金井冰崢嶸人生飄忽百年內直
須酣暢萬古情君不能狸膏金距學鬪雞坐令鼻息
吹虹霓君不能學哥舒橫行青海夜帶刀西屠石堡
取紫袍吟詩作賦北窗裏萬言不直一杯水世人聞
此皆掉頭有如東風射馬耳魚目亦笑我請與明月
同驕驕拳跼不能食蹇驢得志鳴春風折楊皇華合
流俗晉君聽琴枉清角巴人誰肯和陽春楚地由來

賤奇璞黃金散盡交不成白首爲儒身被輕一談一
笑失顏色蒼蠅貝錦喧謗聲曾參豈是殺人者讒言
三及慈母驚與君論心握君手榮辱於余亦何有孔
聖猶聞傷鳳麟董龍更是何雞狗一生傲岸苦不諧
恩疎煤勞志多乖嚴陵高揖漢天子何必長劍拄頤
事玉階達亦不足貴窮亦不足悲韓信羞將絳灌比
襴衡恥逐屠沽兒君不見李北海英風豪氣今何在
君不見裴尚書古墳三尺蒿棘居少年早欲五湖去
見此彌將鍾鼎疎

夢遊天姥吟留別

海客談瀛洲煙濤微茫信難求越人道天姥雲霓明
滅或可覩天姥連天向天橫勢拔五岳掩赤城天台
四萬八千丈對此欲倒東南傾我欲因之夢吳越一

夜飛度鏡湖月湖月照我影送我到剡溪謝公宿處
今尚在淥水蕩漾清猿啼腳著謝公屐身登青雲梯
半壁見海日空中聞天雞千巖萬轉路不定迷花倚
石忽已暝熊咆龍吟殷巖泉慄深林兮驚層巔雲青
青兮欲雨水澹澹兮生煙列缺霹靂丘巒崩摧洞天
石扉訇然中開青冥浩蕩不見底日月照耀金銀臺
霓爲衣兮風爲馬雲之君兮紛紛而來下虎鼓瑟兮
鸞迴車仙之人兮列如麻忽魂悸以魄動况驚起而
長嗟遺覺時之枕席失向來之煙霞世閒行樂亦如
此古來萬事東流水別君去何時還且放白鹿青崖
閒須行卽騎訪名山安能摧眉折腰事權貴使我不
得開心顏

南陵別兒童入京

白酒新熟山中歸黃雞啄黍秋正肥呼童烹雞酌白
酒兒女嬉笑牽人衣高歌取醉欲自慰起舞落日爭
光輝遊說萬乘苦不早著鞭跨馬涉遠道會稽愚婦
輕買臣余亦辭家西入秦仰天大笑出門去我輩豈
是蓬蒿人

七言詩歌行鈔卷第四

七言詩歌行鈔卷第五目次

杜詩六十七首

元都壇歌

兵車行

高都護驄馬行

天育驃騎歌

醉時歌

醉歌行

送孔巢父謝病歸江東兼呈李白

曲江

麗人行

樂遊園歌

漢陂行

沙苑行

聽馬行

奉先劉少府新畫山水障歌

悲陳陶

悲青坂

哀江頭

哀王孫

蘇端薛復筵簡薛華醉歌

乾元中寓居同谷縣作歌七首

石犀行

戲作花卿歌

栴樹為風雨所拔歎

茅屋為秋風所破歌

十言

六

觀打魚歌二首

又觀打魚刻太常禮部公大食瓜

杜鵑行大款余于襄陽器許

題壁畫馬歌

戲題畫山水圖歌

題李尊師松樹障子歌

戲爲雙松圖歌

投簡成華兩縣諸子

光祿坂行

陪王侍御同登東山最高頂燕姚通泉晚攜酒

青泛江

短歌行

韋諷錄事宅觀曹將軍畫馬圖

丹青引

發闋中

寄韓諫議

憶昔

冬狩行

閩山歌

閩水歌

近聞

折檻行

古柏行

觀公孫大娘弟子舞劍器行

荆南兵馬使太常卿趙公大食刀歌

王兵馬使二角鷹

秋風

虎牙行

錦樹行

後苦寒行

大覺高僧蘭若

魏將軍歌

白鳧行

醉歌行贈公安顏少府請顧八題壁

發劉郎浦

夜聞簾篔

追酌故高蜀州人日見寄

醉爲馬墜諸公攜酒相看

李潮八分小篆歌

香陣八公小葉芳

細香飄散坐窗人

掛簾猶似畫屏人

日長香

黃閣養藥

幾隨和氣

精煇我韻公安

疎疎少孤

請語人

賦壘

大聖高僧蘭若

貧苦寒計

離掛我大奴

子舞劍器行

秋來我馬使

太常卿

趙孟頫

七言詩歌行鈔卷第五

盛唐

濟南 王士禎 選

杜詩六十七首

元都壇歌

故人昔隱東蒙峯已佩含景蒼精龍故人今居子午

谷獨在一作陰崖結一作茅屋屋前太古元都壇青

石漠漠常風寒子規夜啼山竹裂王母晝下雲旗翻

一作蟠知君此計成或作誠或作長往芝草琅玕日應長鐵鑠

高垂不可攀致身福地何蕭爽

兵車行

車麟麟馬蕭蕭行人弓箭各在腰耶孃妻子走相送

塵埃不見咸陽橋牽衣頓足攔一作道哭哭聲直上

干雲霄道傍過者問行人行人但云點行頻或從十

五北防河便至四十西營田去時里正與裹頭歸來

頭白還戍邊邊亭庭一作流血成海水武一作皇開邊

意未已君不聞漢家山東二百州千村萬落生荆杞

縱有健婦把鋤犁禾生隴畝無東西況復秦兵耐苦

戰被驅不異犬與雞長者雖有問役夫敢申恨且如

今年冬未休關隴一作西卒縱一云役夫心益憤如今縣

官急索租草堂本作縣租稅從何出信知生男惡反

是生女好生女猶是得一作嫁比鄰生男兒一作埋沒隨

百草君不見青海頭古來白骨無人收新鬼煩冤舊

鬼哭天陰雨溼聲悲一作啾啾

高都護驄馬行

安西都護胡青驄聲價歛然來向東此馬臨陣久無

敵與人一心成大功功成惠養隨所致飄飄一作遠

自流沙至雄姿未受伏櫪恩
猛氣猶思戰場利腕促
蹄高如踔鐵交河幾蹴會
冰裂五花散作雲滿身萬
里方看汗流血長安壯兒
不敢騎走過掣電傾城知
青絲絡頭爲君老何由却
出橫門道

天育驃騎歌

吾聞天子之馬走千里今之畫圖無乃是是何意態

雄且傑駿

一作驥

尾蕭梢朔風起毛爲綠縹兩耳黃眼

有紫焰雙瞳方矯矯

一作矯然

龍性

一云矯龍性逸

合

草堂本云東坡書作

變化卓立天骨森開張伊昔太僕張景順監牧攻

駒

一云考考牧攻駒一云考考牧神駒

閱清峻遂令大奴守

一作字

天育別

養驥子憐神駿當時四十萬匹馬張公歎其材盡下

故獨寫真傳世人見之座右久更新年多物化空形

影嗚呼健步無由騁如今豈無腰褭與驊騮時無王

良伯樂死即休

醉時歌

贈廣文館博士鄭虔

諸公袞袞登臺

一作華

省廣文先生官獨冷甲第紛紛

厭梁肉廣文先生飯不足先生有道出羲皇先生有

才

一作所談

一作所抱

過屈宋

或云有才

德尊

一代常坎

軻

一作壞

名垂萬古知何用杜陵野客人更

一作見

嗤被

褐短窄

一作穴

鬢如絲日糴太

一作泰

倉五升米時赴鄭

老同襟期得錢即相覓沽酒不復疑忘形到爾汝痛

飲真

一作直

吾師清夜沈沈動春酌燈前細雨簷花落

雨

一作簷前細

但覺高歌有

一作感

鬼神焉知餓死填溝

壑相如逸才親滌器子雲識字終投閣先生早賦歸

去來石田茅屋荒蒼苔儒術於我何有哉孔丘盜跖

俱塵埃不須聞此意慘愴生前相遇且銜盃

醉歌行

別從姪勤
落第歸

陸機二十作文賦汝更小年能綴文總角草書又神

速世上兒子徒紛紛驕騮作駒已汗血驚鳥舉翮連

青雲詞源一作賦

倒流三峽水筆陣獨掃千人軍只今

年

浩然本
作生

纔十六七射策君門期第一舊穿楊葉真

自知暫蹶霜蹄未為失偶然擢秀非難取會是排風

有毛質汝身已

一作即

見唾成珠汝伯何由髮如漆春

光淡沲

草堂本作潭
沲徒可切

秦東亭渚蒲芽白水荇青風吹

客衣日杲杲樹攬離思花冥冥酒盡沙頭雙玉瓶衆

賓皆

一作已

醉我獨醒乃知貧賤別更苦吞聲躑躅涕

淚零

送孔巢父謝病歸游江東兼呈李白

巢父掉頭不肯住東將入海隨煙霧詩卷長留天地

閒釣竿欲拂珊瑚一云三珠樹深山大澤龍蛇遠春寒野

陰風景暮一云花繁草青春日暮蓬萊織女迴雲車指點虛無

是征路一作引自是君身有仙骨世人那得知其故

惜君只欲苦死留富貴何如草頭露一云我欲苦留君富貴何如草

頭易晞露蔡侯靜者意有餘清夜置酒臨前除罷琴惆悵

月照荆作席幾歲寄我空中書南來禹穴見李白道

甫問訊今何如

曲江

自斷此生休問天杜曲幸有桑麻田故將移住南山

邊短衣匹馬隨李廣看射猛虎終殘年

麗人行

三月三日天氣新長安水邊多麗人態濃意遠淑且

真肌理細膩骨肉勻畫一作羅衣裳照暮春蹙金孔

雀銀麒麟頭上何所有翠微一作爲盦一作鳥合反葉一作甸

垂鬢脣背身一作後何所見珠壓腰袂一作其輒一作傑穩稱身

就中雲幕椒房親賜名大國號與秦紫駝之峯一作珍

出翠釜水精之盤行素鱗犀筋厭厭久未下鑿刀縷

切空一作坐紛綸黃門飛鞚不動塵御廚絡繹一作絲送

八珍簫鼓一作管哀吟感鬼神賓從雜一作合還實要津

後來鞍馬何逡巡當軒一作道下馬入錦茵楊花雪落

覆音副白蘋青鳥飛去銜紅巾炙手可熱勢一作世絕倫

慎莫近一作向前丞相嗔楊慎曰古本稱身下有足下

考宋刻本並無知楊氏僞託也今削正

樂遊園歌晦日賀蘭楊長

樂遊古園萃一作萃森爽煙綿碧草萋萋長公子華筵

勢最高秦川對酒平如掌長生木瓢示真率更調鞍

馬狂歡賞青春波浪芙蓉園白日雷霆夾一作甲城仗

闔闔晴開映一作誅蕩蕩曲江翠幕排銀榜拂水低徊

舞袖翻緣雲清切歌聲上却憶年年人醉時只今未

醉已先悲數莖白髮那拋得百罰一作刻深盃亦不辭

英華作辭不辭聖朝亦已一作知賤士醜一物自一作但荷皇天

慈一作私此身飲罷無歸處獨立蒼茫自詠詩

漢陂行

岑參兄弟皆好奇攜我遠來遊漢陂天地躑慘忽異

色波濤萬頃堆琉璃琉璃汗漫泛舟入事殊興極憂

思集鬣作鯨吞不復知惡風白浪何嗟及主人錦帆

相為開舟子喜甚無氛埃鳧鷖散亂棹謳發絲管啁

啾空翠來沈竿續蔓深莫測菱葉荷花靜一作淨如拭

宛在中流渤澥清下歸無極一作臨無地終南黑半陂已

南純浸山動影，裊窈冲融閒。船舫暝戛雲際，寺水面
月出藍田關。此時驪龍亦吐珠，馮夷擊鼓羣龍趨。湘
妃漢女出歌舞，金支翠旗光有無。咫尺但愁雷雨至，
蒼茫不曉神靈意。少壯幾時柰老何，向來哀樂何其
多。

沙苑行

君不見見左輔白沙如白水，一作白繚以周牆百餘里。

龍煤昔是渥洼生，汗血今稱獻於此。苑中駉牝三千

匹，豐草青青寒不死。食之豪健西域無，一云騰每歲

攻一作收駒冠邊鄙。王有虎臣司苑門，入門天廐皆

雲屯。驪驪一骨獨當御，春秋二時歸一作朝。至尊至尊

內外馬盈億，鮑作內外馬伏櫪在坵空。大存逸羣絕

足信，殊傑倜儻權奇難。具論纍纍墮阜藏，奔突往往

陂陀縱超越角壯翻同騰一作麋鹿遊浮深簸蕩龜鼉

窟泉海一作出巨魚長比人丹砂作尾黃金鱗豈知異

物同精氣雖未成龍亦有神

驄馬行

鄧公馬癖人共知初得花驄大宛種夙昔傳聞思一

見牽來左右神皆竦雄姿逸態何嵒崿顧影驕嘶自

矜寵隅目青熒夾鏡懸肉駿荆一作礮礮連錢動朝來

久草堂作少試華軒下未覺千金滿高價赤汗微生白雪

毛銀鞍却覆香羅帕卿家舊賜公取之一云能取天

廢真龍此其亞晝洗須騰涇渭深朝荆作夕趨可刷

幽并夜吾聞良驥老始成此馬數年人更驚豈有四

蹄疾于鳥不與八駿俱先鳴時俗造次那得致雲霧

晦冥方降精近聞下詔喧都邑肯使一作麒麟地上

行

奉先劉少府新畫山水障歌

英華題云新畫山水障歌奉先尉劉

單宅作

堂上

一作中

不合生楓樹怪底江山

一作山川

起煙霧聞君

掃却赤縣圖乘興遣畫滄洲趣畫師亦無數好手不

可遇對此融心神知君重毫素豈但祁岳與鄭虔筆

迹遠過楊契丹得非元圃裂

一作墟

無乃瀟湘翻悄然

坐我天姥下耳邊已似聞清猿反思前夜風雨急乃

一作恐

是蒲

一作滿

城鬼神入元氣淋漓障猶溼真宰上

訴天應泣野亭春還雜花遠漁翁暝踏孤舟立滄浪

水深青冥闊

英華云滄浪之水深且闊

欹岸側島

英華云欹岸側

秋毫

未不見湘妃鼓瑟時至今班竹臨江活劉侯天機精

愛畫入骨髓自有兩兒郎揮灑亦莫比大兒聰明到

古

詩

選

卷五

七言

六一中華書局聚

能添老樹巔崖裏小兒心孔開貌音邈得山僧及童子

若耶溪雲門寺吾獨胡為在泥滓青鞵布襪從此始

悲陳陶

孟冬十郡良家子血作陳陶澤中水野曠一作廣天清

一作晴無戰聲四萬義軍同日死羣胡歸來血一作雪洗

箭仍唱一云燃箭胡歌飲都市都人迴面向北啼日夜更

望官軍至一云軍苦如此

悲青坂

我軍青坂在東門天寒飲馬太白窟黃頭奚兒日向

西數騎彎弓敢馳突山雪河冰野樊作晚樂蕭颺一作

颺一作颯青是烽人一作煙白人骨焉得附書與我軍忍待

明年莫倉卒

哀江頭

少陵野老吞聲哭春日潛行曲江曲江頭宮殿鎖千

門細柳新蒲為誰綠憶昔霓旌下南苑苑中萬物生

顏色昭陽殿裏第一人同輦隨君侍君側輦前才一作

詞人帶弓箭白馬嘶一作齧黃金勒翻身向天一作空一作

仰射雲一箭考異作笑蔡君謨作發正墜雙飛翼明眸皓齒今

何在血污游魂歸不得清渭東流劍閣深去住彼此

無消息人生有情淚沾臆江水一作草江花豈終極黃

昏胡騎塵滿城欲往城南忘城北一作城北云望

哀王孫

長安城頭頭白烏樊作多白鳥一作頸白鳥夜飛延秋門上呼又

向一作來人家啄大屋屋底達官走避胡金鞭斷折九

馬死骨肉不待一作得同馳驅腰下寶玦青珊瑚可憐

王孫泣路隅問之不肯道姓名但道困苦乞為奴已

經百日竄荆棘身上無有完肌膚高帝子孫盡隆一作

高準龍種自與常人殊豺狼在邑龍在野王孫善保

千金軀不敢長語臨交衢且為王孫立斯須昨夜東

一作春風吹血腥東來橐一作駝滿舊都朔方健兒好

身手昔何勇銳今何愚竊聞天一作太子已傳位聖德

北服南單于花門勢面請雪恥慎勿出口他人狙一作

狙哀哉王孫慎勿疎五陵佳氣無時無

蘇端薛復筵簡薛華醉歌

文章有神交有道端復得之名譽早愛客滿堂盡豪

翰一作傑開筵上日一作月思芳草安得健步移遠梅亂

插繁花向晴吳千里猶殘舊冰雪百壺且試開懷抱

垂老惡聞戰鼓悲急一作羽觴為緩憂心擣少年努力

縱談笑看我形容已枯槁坐中薛華善一作能醉歌歌

辭醉一云歌云自作風格老近來海內為無一作長句汝與山

東李白好何劉沈謝力未工才兼鮑昭愁絕倒諸生

頗盡新知樂萬事終傷不自保氣酣日落西風來願

吹野水添一作金盃如澆之酒常快意亦知荆作窮

愁英華作未安在哉忽憶雨時秋井塌古人白骨生

青苔如何不飲令心哀

乾元中寓居同谷縣作歌七首

有客有客字子美白頭亂一作短髮垂過一作兩耳歲拾

橡栗隨狙公天寒日暮山谷裏中原無書一作主歸不

得手脚凍皴皮肉死嗚呼一歌兮歌已一作獨哀悲風

為我從天一作東來

長鑱長鑱白木柄我生託子以為命黃精一作獨無苗

山雪盛短衣數挽不掩脛此時與子空一作同歸來男

呻女吟四壁靜嗚呼二歌兮歌始放鄰一作閭里為我

色惆悵

有弟有弟在遠方一作各方三人各瘦何人強生別展

轉不相見胡塵暗天道路長東飛鴛鴦後鴉鷓安得

送我置汝旁嗚呼三歌兮歌三發汝歸何處收一作取

兄骨

有妹有妹在鍾離良人早歿諸孤癡長淮浪高蛟龍

怒十年不見來何時一作遲偏舟欲往箭滿眼杳杳南

國多旌旗嗚呼四歌兮歌四奏林猿一作竹林浩然為

我啼清晝

四山多風溪水急寒雨一作風颯颯枯樹一作樹枝溼黃蒿

古城雲不開白一作元狐跳梁黃狐立我生何為在窮

谷中夜起坐萬感集嗚呼五歌兮歌正長魂招不來

歸故鄉

南有龍兮在山湫古木龍嵒枝相膠木葉黃落龍正
蟄蝮虵東來水上遊我行怪此安一作寒敢出拔劍欲
斬且復休嗚呼六歌兮歌思遲遲一云怨溪壑為我迴
春姿

男兒生不成名身已老十一作年飢走荒山道長安

卿相多少年富貴應須致身早山中儒生舊相識但
話宿昔傷懷抱嗚呼七歌兮悄終曲仰視皇天白日
速

石犀行

君不見秦時蜀太守刻石立作三犀牛草堂本注云當作五犀牛

自古雖有厭勝法天生江水向一作頽東流蜀人矜誇

一千載泛溢不近張儀樓今年灌口一作注損戶口此

事或恐為神羞終藉草堂作脩築隄防出衆力高擁木石

當清秋先王作法皆正道詭怪何得參人謀嗟爾三

犀不經濟缺訛只與長川逝但見元氣常一作相調和

自免洪濤恣凋瘵安得壯士一作作者提天綱再平水土

犀奔一作蒼茫

戲作花卿歌

成都猛將有花卿學語小兒知姓名用如快鷲風火

生見賊唯多身始輕綿州副使著柘黃我卿掃除即

日乎子章一作璋鬪一作髑髏血模糊手提擲還崔大夫李侯

重有此節度人道我卿絕世一作代無既稱絕世無天

子何不喚取守東都

柘樹為風雨所拔一作柘數一作高

倚江柘樹草堂前故一作古老相傳二百年誅茅卜居

總爲此五月髣髴聞寒蟬東南飄風動地至江翻石

走流雲氣幹晉作排雷雨猶力爭根斷泉源豈天意

滄波蒼茫云老樹性所愛浦上童童一青蓋野客頻留

懼雪霜行人不過聽竽籟虎倒龍顛委榛樊作棘淚

痕血點垂胸臆我有新詩何處吟草堂自此無顏色

茅屋爲秋風所破歌

八月秋高風怒號卷我屋上三重茅茅飛度江灑一作

滿江郊高者掛罨長林梢下者飄轉沉塘坳南村羣

童欺我老無力忍能對面爲盜賊公然抱茅入竹去

脣焦口燥呼不得歸來倚杖自歎息俄頃風定雲墨

色秋天漠漠向昏黑布衾多年冷似一作鐵驕兒惡

臥踏裏裂牀牀屋漏無乾處雨脚如麻未斷絕自經

喪亂少睡眠長夜沾溼何由徹安得廣廈千萬間大

庇天下寒士俱歡顏風雨不動安如山嗚呼何時眼前突兀見此屋吾廬獨破受凍死一作意亦足

觀打魚歌

綿州江水之一作水東津魴魚鱗鱗色勝銀漁人漾舟

沈大網截江一擁數百鱗衆魚常才盡却棄赤鯉騰

出如有神潛龍無聲老蛟怒迴一作西風颯颯吹沙塵

饗子左右揮霜刀鱠飛金盤白雪高徐州秃尾不足

憶一作惜漢陰槎頭遠遁逃魴魚肥美知第一既飽歡

娛亦蕭瑟君不見朝來割素髻咫尺波濤永相失

又觀打魚

蒼江漁子清晨集設網提綱萬一作取魚急能者操舟

疾若風撐突波濤挺叉入小魚脫網不可記一作紀半

死半生猶戢戢大魚傷損皆垂頭屈強泥沙一作沙頭有

時立東津觀魚已再來主人罷鱸還傾盃日暮蛟龍
改窟穴山根鱣鮪隨雲雷干戈兵革鬪未止一云干戈格鬪
尚未鳳凰麒麟安在哉吾徒胡為縱此樂暴殄天物
聖所哀

杜鵑行

君不見昔日蜀天子化作杜鵑似老鳥寄巢生子不
自啄羣鳥至今與哺雛雖同君臣有舊禮骨肉滿眼
身羈孤業工竄伏深樹裏四月五月偏號呼其聲哀
痛口流血所訴何事常區區爾豈摧殘始晉作如發憤
羞帶羽翮傷形愚蒼天變化誰料得萬事反覆何所
無萬事反覆何所無豈憶當殿羣臣趨

題壁畫馬歌

韋偃畫上陳浩然草堂本
作題壁上韋偃畫馬歌

韋侯別我有所適知我憐君

渠一作畫無敵戲陳浩然本作試

拈秃筆掃驊騮，歛見麒麟出東壁。一匹齷草一匹嘶，坐看千里當霜蹄。時危安得真致此，與人同生亦同死。

戲題畫山水圖

王宰畫宰丹青絕倫本題字下有王宰二字

十日畫一水，五日畫一石。能事不受相促迫，王宰始肯留真跡。壯哉崑崙方壺丈，一作圖挂君高堂之素壁。巴陵洞庭日本東，赤南一作岸水與銀河通。中有雲氣隨飛龍，舟人漁子入浦溲。山木盡亞帶，一作洪濤風尤工。遠勢古莫比，咫尺應須論。一作千萬里焉得并州快剪刀，翦取吳松半江水。

題李尊師松樹障子歌

老夫清晨梳白头，元都道士來相訪。握髮一作手呼兒延入戶，手提新畫青松障。障子松林靜杳冥，憑軒忽

若無丹青陰崖却承霜雪一云露幹偃蓋反走虬龍

形老夫平生好奇古對此興與精靈聚已知仙客意

相親更覺良工心獨苦松下丈人巾屨同偶坐一作

自是商一作南山翁悵望一作惆悵聊歌紫芝曲時危慘澹

來悲風

戲為雙松圖歌

天下幾人畫古松一作樹畢宏已老韋偃少絕筆長風

起纖末滿堂動色嗟神妙兩株慘裂苔蘚皮屈鐵交

錯迴高枝白摧朽骨龍虎死黑入太陰雷雨垂松根

胡僧憩寂寞龐眉皓首無住著偏袒右肩露雙腳葉

裏松子僧前落韋侯韋侯數相見我有一匹好東一作

素絹重之不減錦繡段已令拂拭光凌亂請公放筆

為直幹

投簡成華兩縣諸子

赤縣官曹擁材傑軟裘快馬當冰雪長安一作夜苦寒

誰獨悲杜陵野老骨欲折南山豆苗早荒穢青門瓜
地新凍裂鄉里兒童項領成朝廷故舊禮數絕自然
棄擲與時異況乃疎頑臨事拙飢臥動卽向一旬敝
裘何啻聯百結君不見空牆日色晚此老無聲淚垂
血

光祿坂行

山行落日下絕壁西望千山萬山水一作赤樹枝有鳥

亂鳴一作棲時暝色無人獨歸客馬驚不憂深谷墜草

動只怕長弓射安得更似開元中道路卽今多一作何云

擁隔

陪王侍御同登東山最高頂宴姚通泉晚攜酒

黃香非泛江

姚公美政誰與儔不減昔時陳太丘邑中上客有杜

史多暇日陪驄馬游東山高頂羅珍羞下顧城郭銷

我憂清江白日落欲盡復攜美人登綵舟笛聲憤怨

一作怒哀中流妙舞逶迤夜未休燈前往往大魚出聽

曲低昂如有求三更風起寒浪湧取樂喧呼覺船重

滿空星河光破碎四座賓客色不動請公臨深江一作

莫相違迴船罷酒上馬歸人生歡會豈有極無使霜

過一作露霑人衣

短歌行贈王郎

王郎酒酣拔劍斫地歌莫哀我能拔爾抑塞磊落之

奇才豫樟翻風白日動鯨魚跋浪滄溟開且脫劍佩

休徘徊西得諸侯棹錦水欲向何門跋吳作珠履仲

宣樓頭春色一作已深青眼高歌望吾子眼中之人吾

老矣

韋諷錄事宅觀曹將軍畫馬圖

國初已來畫鞍馬神妙獨數江都王將軍得名三一作樊

四十載人閒又見真乘黃曾貌先帝照夜白龍池十

日飛霹靂內府殷紅馬腦盤一作盤婕妤傳詔才人索

盃賜將軍拜舞歸輕紈細綺相追飛一作隨貴戚權門

得筆跡始覺屏障生光輝昔日太宗拳毛騮近時郭

家獅子花今之新一作畫圖有二馬復令識者久歎嗟

此皆騎戰一敵萬縞素漠漠開風沙其餘七匹亦殊

絕迥若寒空動烟雪霜蹄蹴踏長楸閒馬官廡養森

成列可憐九馬爭神駿顧視清高氣深穩借問苦心

愛者誰後有韋諷前支遁憶昔巡幸新豐宮翠華拂

天來向東騰驤磊落三萬匹皆與此圖筋骨同自從
獻寶朝河宗無復射蛟江水中君不見金粟堆前松
柏裏龍媒去盡鳥呼風

丹青引 贈曹將軍霸

將軍魏武之子孫於今為庶為清門英雄割據雖一作

皆已矣文彩風流猶荆作尚存學書初學衛夫人但

恨無晉作未過王右軍丹青不知老將至富貴於我如

浮雲開元之中一作年常引見承恩數上南薰殿凌煙

功臣少顏色將軍下筆開生面良相頭上進賢冠猛

將腰閒大羽箭褒公鄂公毛髮動英姿颯爽一作颯來

酣戰先帝天一作御馬玉花驄畫工如山貌不同是日

牽來丹墀下迴一作窺立闥闔生長風詔謂將軍拂絹

素意匠慘淡經營中斯須九重真龍出一洗萬古凡

馬空玉花却在御榻上榻上庭前屹相向至尊含笑

催賜金圍人太僕皆惆悵弟子韓幹早入室亦能畫

馬窮殊相狀一作幹惟畫肉不畫骨忍使驂駟氣凋喪

將軍畫盡一作善妙一作蓋有神必偶一作逢佳士亦寫真

即今飄泊干戈際屢貌尋常行路人途窮反遭俗眼

白世上未有如公貧英華作他富但看古來盛名下

終日坎壈纏其身車與青不吹沙洗玉當貴飲成

發閩中

前有毒蛇後猛虎溪行盡日無村塢江風蕭蕭雲拂

地山木慘慘天欲雨女病妻憂歸意速一作秋花錦

石誰復樊作數別家三月一得書一作避地何時免

愁苦

天來寄韓諫議

今我不樂思岳陽身欲奮飛病在牀美人娟娟隔秋

水濯足洞庭望八荒鴻飛冥冥日月白青楓葉赤天

雨一作飛霜玉京羣帝集北斗或騎麒麟翳鳳凰芙蓉

旌旗一作旌煙霧樂影動倒景搖瀟湘星宮之君醉瓊

漿羽人稀少不在旁似聞昨者赤松子恐是漢代韓

張良昔隨劉氏定長安帷幄未改神慘傷國家成敗

我豈敢色難腥腐餐風一作楓香周南留滯古所一作莫

惜南極老人應壽昌美人胡為隔秋水焉得置之貢

玉堂

憶昔

憶昔開元全盛日小邑猶藏萬家室稻米流脂粟米

白公私倉廩俱豐一作富實九州道路無豺虎晉作狼

遠行不勞吉日出齊紈魯縞車班班男畊女桑不相

失宮中聖人奏雲門天下朋友皆膠漆百餘年閒未
災變叔孫禮樂蕭何律豈聞一絹直萬錢有田種穀
今流血洛陽宮殿燒焚盡宗廟新除狐兔穴傷心不
忍問耆舊復恐初從亂離說小臣魯鈍無所能朝廷
記識蒙祿秩周宣中興望我皇灑血晉作江漢身荆
長衰疾

冬狩行時梓州刺史章彝兼侍御史留後東川

君不見東川節度兵馬雄校獵亦似觀成功夜發猛
士三千人清晨合圍步驟同禽獸已斃十七八殺聲
落日迴蒼穹幕前生致九青兕駝駝轟崕垂元熊東
西南北百里閒髣髴蹴踏寒山空有鳥名鸚鵡力不
能高飛逐走蓬肉味不足登鼎俎何為見羈虞羅中
春蒐冬狩候一作得同使君五馬一馬驄況今攝行

大將權號令頗有前賢風飄然時危一老翁十年厭
見旌旗紅喜君士卒甚整肅爲我迴轡擒西戎草中
狐兔盡何益天子不在咸陽宮朝廷雖無幽王禍得
不哀痛塵再蒙嗚呼得不哀痛塵再蒙

閩山歌

閩州城東靈

雲一作

山白閩州城北玉臺

壺一作

碧松浮

欲盡不盡雲江動將崩未崩石那知根無鬼神會已
覺氣與嵩華敵中原格鬪且未歸應結茅齋看一作

青壁

一作應著茅齋向青壁

閩水歌

嘉陵江色

一作

何所似石黛碧玉相因依正憐日破

浪花

一云

出更復春從沙際歸巴童蕩槳欹側過水

雞銜魚來去飛閩中勝事可腸斷閩州城南天下稀

近聞去聲胡虜遠遁逃牧馬不敢侵臨洮渭水逶迤白日

淨隴山蕭瑟秋雲高崆峒五原亦無事北庭數有關

中使似聞贊普更求親舅甥和好應難棄

折檻行

鳴呼房魏不復見秦王學士時難羨青衿曹子困泥

塗白馬將軍若雷電千載少似朱雲人至今折檻空

嶙峋婁公不語宋公語尚憶先皇容直臣

古柏行

孔明廟前階一作有老柏柯如青銅根如石霜蒼一作皮

溜雨水一作四十圍黛色參天二千尺君臣已與時際

會樹木猶爲人愛惜雲來氣接巫峽長月出寒通雪

山白憶昨路遶錦亭城一作東先主武侯同闕宮崔嵬

城一作東先主武侯同闕宮崔嵬

東先主武侯同闕宮崔嵬

東先主武侯同闕宮崔嵬

枝幹郊原古窈窕丹青戶牖空落落盤踞雖得地冥
冥孤高多烈風扶持自是神明力正直原因造化功
大廈如傾要梁棟萬牛迴首丘山重不露文章世已
驚未辭翦伐誰能送苦心豈免容螻蟻香一作密葉終
會一作驚經一作宿鸞鳳志士幽人莫怨嗟一作傷古來材
大難為用一作皆難用

觀公孫大娘子舞劍器行 并序

大歷二年十月十九日夔府別駕元持宅見臨穎
李十二娘舞劍器元壯其蔚跂問其所師曰余公孫
大娘子也開元三載余尚童穉出冠時自高頭觀公
孫氏舞劍器渾脫劉灘頓挫獨出冠時自高頭觀公
春黎國二伎坊內人泊外已玉貌錦衣況余白首神
武皇帝初公孫一而巳玉貌錦衣況余白首神
茲弟亦匪盛顏既辨其由來知波瀾莫二撫事
慷慨聊為劍器行往者吳人張旭善草書書帖數
常於鄴縣見公孫大娘子舞西河劍器自
此草書長進豪蕩感激即公孫可知矣

昔有佳人公孫氏一舞劍器動四方觀者如山色沮

喪天地為之久低昂燿音酷如羿射九日落矯如羣帝

驂龍翔來一作末如雷霆收震怒罷如江海凝清光絳

脣珠袖兩寂寞况一作陳作脫有弟子傳芬芳臨穎美人

在白帝妙舞此曲神揚揚與余問答既有以感時撫

事增惋傷先帝一作皇侍女八千人公孫劍器初第一

五十年閒似反掌風塵傾動一作頽洞昏王室梨園子弟

散如煙女樂餘姿映寒日金粟堆南木已拱瞿唐石

城草一作暮蕭瑟玳筵急管曲復終樂極哀來月東出

老夫不知其所往足繭荒山轉愁疾一作寂

荆南兵馬使太常卿趙公大食刀歌

太常樓船聲嗷嘈問兵刮寇趨陳作超下牢楚地牧出令

奔飛百艘猛蛟突獸紛騰逃白帝寒城駐錦袍元冬

示我胡國刀壯士短衣頭虎毛憑軒拔鞘天為高翻

風轉日木

一作水

怒號冰翼雪淡傷哀狻鑄錯碧嬰麟

鵝膏鉉鏢

一作鉉鋒

已瑩虛

一作靈

秋濤鬼物撤振辭

陳作亂

坑壕蒼水使者捫赤條龍伯國人罷釣鼈芮公迴首

顏色勞分閩救世用賢豪趙公玉立高歌起攬環結

佩相終始萬歲持之護天子得君亂絲與君理蜀江

如線如針水

一作針如水

荆岑彈丸心未已賊臣惡子休

干紀魑魅翹翹徒為耳妖腰亂領敢欣喜用之不高

亦不庫不似長劍須天倚吁嗟光祿英雄弭大食寶

刀聊可比丹青宛轉麒麟裏光芒六合無泥滓

王兵馬使二角鷹

悲臺蕭颯

一作瑟

石龍嵒哀壑槎枒浩呼

荆作汚

洵中有

萬里之長江迴風滔

陳作陷

日孤光動角鷹翻倒壯士

臂將軍玉帳軒翠

一云昂

氣二鷹猛腦徐侯穉

荆作條徐

墜趙云徐侯秘殊無理義介目如愁胡視天地杉雞
甫善本作條徐墜于理或然

竹兔不自惜溪孩一作虎野羊俱辟易韞上鋒棱十二

翻將軍勇銳與之敵將軍樹勳起安西崑崙虞泉入

馬蹄白羽曾肉三狡貌敢決豈不與之齊荆南芮公

得將軍亦如角鷹下翔一作入朔雲惡鳥飛飛啄金屋安

得爾輩開其羣驅出六合梟鸞分

秋風

秋風浙浙吹我衣東流之外西日微天清小城擣練
急石古細路行人稀不知明月為誰好早晚孤帆他
夜歸會將白髮倚庭樹故園池臺今是非

虎牙行

秋一作北風歛吸晉作歛歛吹南國天地慘慘無顏色洞庭

揚波江漢迴虎牙銅柱皆傾側巫峽陰岑朔漠氣峯

巒窈窕谿谷黑杜鵑不來猿狖寒一作啼山鬼幽憂雪

霜逼楚老長嗟憶炎瘴三尺角弓兩斛力壁立石城

橫塞起金錯旌竿滿雲直漁陽突騎獵青丘胡虜鏖

甲聞丹極八荒十年防盜賊征戍誅求寡妻哭遠客

中宵淚沾臆

錦樹行

今日苦短昨日休歲云暮矣增離憂霜凋碧樹待荆

一作云錦樹萬壑東逝無停留荒戍之城石色古東郭

老人住青丘飛書白帝營斗粟琴瑟几杖柴門幽青

荆作春草萋萋盡枯死天馬陳作與驥跛一作足隨犂牛自

古聖賢多薄命姦雄惡少皆封侯一作公故國三年

一消息終南渭水寒悠悠五陵豪貴反顛倒鄉里小

兒狐白裘生男墮地要膂力一作生富貴傾邦國

莫愁父母少黃金天下風塵兒亦得

後苦寒行

南紀巫廬瘴不絕太古以來無尺雪蠻夷長老怨苦

寒崑崙天關凍應英華作欲折元猿口噤不能嘯白鷓翅

垂眼流一作出血安得春泥補地裂

大覺高僧蘭若和尚去冬往湖南

巫山不見廬山遠松林一作蘭蘭若秋風晚一老猶鳴

日暮鐘諸僧尚乞齋時飯香爐峯色隱晴湖種杏仙

家近白榆飛錫去年啼邑子獻花何日許門徒

魏將軍歌

將軍昔著從事衫鐵馬馳突重兩銜被堅執銳略西

極崑崙月窟東嶄巖君門羽林萬猛士惡若哮虎子

所監五年起家列霜戟一日過海收風帆平生流輩

徒蠹蠹長安少年氣欲盡魏侯骨聳精爽緊華嶽峯
尖見秋隼星纏寶校金盤陀夜騎天駟超天河欖槍
熒惑不敢動翠蕤雲旂相蕩摩吾爲子起歌都護酒
闌插劍肝膽露鉤陳蒼蒼風元武一云元武暮萬歲千秋
奉明主臨江節士安足數

白鳧行

君不見黃鵠高于五尺童化爲白鳧似一作象老翁故

畦遺穗已蕩盡天寒歲一作日暮波濤中鱗介腥羶素

不食終日忍飢西復東魯門鷄鷓亦蹭蹬聞道如一作樊

于今猶避風

醉歌行贈公安顏少府請顧八題壁

神仙中人不易得顏氏之子才孤標天馬長鳴待駕

馭秋鷹整翮當雲霄君不見東吳顧文學君不見西

漢杜陵老詩家筆勢君不嫌詞翰升堂爲君掃是日
霜風凍七澤烏鬢落照銜赤壁酒酣耳熱忘頭白感
君意氣無所惜一爲歌行歌主客

發劉郎浦

挂帆早發劉郎浦疾風颯颯昏亭午舟中無日不沙
塵岸上空村盡豺虎十日北風風未迴客行歲晚晚
幾一作相催白頭厭伴漁人宿黃帽青鞋歸去來

夜聞簷簾

夜聞簷簾滄江上衰年側耳情所嚮鄰舟一聽多感
傷塞曲三更歛悲壯積雪飛霜此夜寒孤燈急管復
風一作湍君知天地下一作干戈滿不見江湖一作行
路難

追酌故高蜀州人日見寄

并序

開文書帙中檢所遺忘因得故高常侍適往居在
成都時高任蜀州刺史人日相憶見寄詩淚灑行
闌讀終篇末自枉詩已十餘年莫記存歿又六七
年矣老病懷舊生意可知今海內忘形故人獨漢
中王瑀與昭州敬使君超先在愛而不見情見乎
辭大歷五年正月二十一日却追酌高公此作因
寄王及
敬弟

自蒙枉一作蜀州人日作不意清詩久零落今晨散帙

眼忽開明一作迸淚幽吟事如昨嗚呼壯士多慷慨合

杳高名動寥廓歎我淒淒求友篇感時鬱鬱匡君略

錦里春光空爛漫瑤墀侍臣已冥冥瀟湘水國傍黿

鼉鄂杜秋天失鵬鷺東西南北更誰吳作論白首扁

舟病獨存遙猶一作拱北辰纏寇盜欲傾東海洗乾坤

邊塞西蕃最充斥衣冠南渡多崩奔鼓瑟至今悲帝

子曳裾何處覓王門文章曹植波瀾闊服食劉安德

業尊長笛誰能鄰一作亂愁思昭州詞翰與招魂

醉為馬墜諸公攜酒相看

甫也諸侯老賓客罷酒酣歌拓金戟騎馬忽憶少年

時散蹄迸落瞿塘石白帝城門水雲外低身直下八

千尺粉堞電轉紫遊韁東得平岡出天壁江村野堂

爭入眼垂鞭一作肩鞞凌紫陌向來皓首驚萬人自

倚紅顏能騎射安知決臆追風足朱汗驂驪猶噴玉

不虞一蹶終損傷人生快意多所辱職當憂戚伏衾

枕況乃遲暮加煩促明一作朋知來問曠我顏杖藜強

起倚僮僕語盡還成開口笑提攜別掃清溪曲酒肉

如山又一時初筵哀絲動豪竹共指西日不相貸喧

呼且覆盃中淥何必走馬來為問一作身君不見嵇

康養生遭一作殺戮

李潮八分小篆歌

蒼頡鳥跡既茫昧字體變化如浮雲陳倉石鼓久已
訛大小二篆生八分秦有李斯漢蔡邕中閒作者絕
不聞嶧山之碑野火焚棗木傳刻肥失真苦縣光和
尚骨立書貴瘦硬方通神惜哉李蔡不復一作得吾
甥李潮下筆親尚書韓擇木騎曹蔡有鄰開元已來
數入分潮也奄有二子成三人況潮小篆逼秦相快
劍長戟森相向八分一字直百一作金蛟龍盤拏肉
屈強吳郡張顛誇草書草書非古空雄壯豈如吾甥
不流宕丞相中郎丈人行巴東一作逢李潮逾月求
我歌我今衰老才力薄潮乎潮乎柰汝何

七言詩歌行鈔卷第五